



ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄԵԱԿՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ Ամենայն Հայոց Կաթողիկոսն ընդունեց

7 ղեկավարների

ՀՀ-ի բյուրոյի ներկայացուցիչ Հակոբ Տեր-Խաչատուրյանին



Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց ՀՀ-ի բյուրոյի ներկայացուցիչ Հակոբ Տեր-Խաչատուրյանին:

Հանդիպմանն անդրադարձ կատարվեց Հայաստանի եւ Արցախի առջեւ ծառացած մարտահրավերներին, մասնավորապես հայրենիքի սահմաններին եւ սահմանամերձ բնակավայրերում առաջացած անվտանգային խնդիրներին, կարեւորվեց համընդհանուր ջանքերի մեկտեղումը՝ ի նպաստ առկա հարցերի հաղթահարման եւ հայրենիքի զորացման:

Զրույցի ընթացքում խոսվեց նաեւ սփյուռքի համայնքներում առկա կացության եւ ազգային կառույցների կարեւոր առաքելության մասին՝ ազգային ինքնության ու միասնականության պահպանման գործում: Ընդգծվեց նաեւ հայրենիք-սփյուռք կապերի առավել ամրապնդման անհրաժեշտությունը:



անցած հայկական հոգեւոր, պատմամշակութային ժառանգության պահպանման ուղղությամբ միջազգային տարբեր առյուծանքների կողմից տարվող աշխատանքներին:

13 ղեկավարների

Պաղեստինի՝ Եկեղեցիների հարցով բարձրագույն նախագահական կոմիտեի պատվիրակությանը



Ամենայն Հայոց Կաթողիկոսն ընդունեց Պաղեստինի՝ Եկեղեցիների հարցով բարձրագույն նախագահական կոմիտեի ղեկավար Մուհիմ Էլիաս Յուսեֆ Խուրիի գլխավորած պատվիրակությանը:

Հանդիպմանն անդրադարձ կատարվեց Երուսաղեմի Հայոց Պատրիարքարանի կողմից

միջ «Կովերի պարտեզ» կալվածքի վարձակալության հանձնելու խնդրին, ինչպես նաեւ հայկական քրիստոնեական սրբավայրերի եւ պատմամշակութային ժառանգության պահպանության հարցերին: Կարեւորվեց եկեղեցիների ու կրոնների միջեւ հարաբերությունների եւ երկխոսության զորացումը:

9 ղեկավարների

ՀՀ-ում Գերմանիայի Դաշնային Հանրապետության Նորանշանակ ղեսպանին

Ամենայն Հայոց Կաթողիկոսն ընդունեց Հայաստանի Հանրապետությունում Գերմանիայի Դաշնային Հանրապետության նորանշանակ արտակարգ եւ լիազոր դեսպան Վիկտոր Ռիխտերին:

Նորին Սրբությունը, դեսպանին մաղթելով արդյունավոր առաքելություն Հայաստանում, գոհունակությամբ նշեց, որ դեսպանատան եւ Մայր Աթոռի միջեւ հարաբերությունները մշտապես եղել են ջերմ եւ բարեկամական: Վեհափառ Հայրապետը, ի դեմս դեսպանի, իր շնորհավորանքները փոխանցեց Գերմանիայի ժողովրդին՝ նոր վարչապետի ընտրության կապակցությամբ:

Վեհափառ Հայրապետն իր երախտագիտությունը հայտնեց Գերմանիայի իշխանու-

թյուններին՝ պատերազմի եւ հետպատերազմյա շրջանում Հայաստանին ցուցաբերած զորակցության համար:

Դեսպան Ռիխտերն իր հերթին վստահեցրեց Հայոց Հովվապետին, որ կամի հնարավորը՝ երկու երկրների առկա բարեկամական հարաբերությունների առավել խորացման եւ ամրապնդման համար: Խոսելով Գերմանիայի հասարակական կյանքում հայ համայնքի ու եկեղեցու ներգրավվածության մասին՝ դեսպանն ընդգծեց, որ այն եւս իր նպաստն է բերում երկու երկրների փոխգործակցության զորացման գործում:

Զրույցի ընթացքում անդրադարձ կատարվեց նաեւ հայ ռազմագերիների վերադարձի եւ Ադրբեջանի վերահսկողության տակ

Երեւանի Ս. Գրիգոր Լուսավորիչ մայր եկեղեցում կատարվեց արցախյան 44-օրյա ռաւերազմում նահաւակված 9 զինծառայողների հուղարկավորության եկեղեցական կարգը

Ղեկավարների 2-ին, Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի նախագահությամբ, Երեւանի Սուրբ Գրիգոր Լուսավորիչ մայր եկեղեցում կատարվեց արցախյան 44-օրյա պատերազմում նահատակված եւ մեկ տարի անց Հայաստանին վերադարձված 9 զինծառայողների հուղարկավորության եկեղեցական կարգը:

Արարողության ավարտին Ամենայն Հայոց Կաթողիկոսն իր խոսքն ուղղեց նահատակ քաջորդիների սգակիր ընտանիքներին եւ ներկաներին:

«Սիրելի բարեպաշտ ժողովուրդ, Այսօր հավաքվել ենք Երեւանի Սուրբ Գրիգոր Լուսավորիչ մայր եկեղեցու խնկաբույր



կամարների ներքո՝ դէպի հավերժություն ծանապարհելու հայրենիքի պաշտպանության համար նահատակված մեր քաջազուն որդիներին: Մեր խիզախ զինվորների նվիրական մասունքների առջեւ խոնարհում ենք բերում նրանց լուսավոր հիշատակին, հիշում նրանց արիությունն ու սխրանքները: Հրաժեշտի այս պահին վերհիշում ենք արցախյան պատերազմի ողբերգական իրադարձությունները, մեր ողջ պատմության ընթացքում մեզ պատուհասած աղետներն ու արհավիրքները, գոտեպնդվում փորձություններին դիմակայելու մեր ժողովրդի գավակների զորեղ կամքով, աննկուն տոկոսությամբ ու վճռականությամբ: ➔ Էջ 2

Երեւանի Ս. Գրիգոր Լուսավորիչ մայր եկեղեցում կատարվեց արցախյան 44-օրյա ռաւերազմում նահաւակված 9 զինծառայողների հուղարկավորության եկեղեցական կարգը

← էջ 1

Պատերազմից ավելի քան մեկ տարի անց, չսպիացած վերքերը մեր սրտերում, խոնարհում ենք բերում մեր ազգին արժանավոր որդիներ պարգեւած, սնած ու դաստիարակած ծնողներին: Սուրբ Զոգու մխիթարությունն ենք խնդրում պատերազմում ծնող, ամուսին, զավակ եւ կամ հարազատ կորցրած սզացյալ ընտանիքներին, որոնք անասելի ցավ կրեցին. ցավ ու կորուստ, որ ամենքինս է:

Սիրելիներ, հայրենիքին իր կյանքն ընծայաբերած անծը միշտ անմահ է, միշտ հաղթանակող է: Ուազմի դաշտում մեր սիրեցյալ զավակներն ուժ առան, զորացան Վարդանանց հերոսամարտի՝ «Մահ ոչ իմացեալ մահ է, մահ իմացեալ՝ անմահութիւն» կարգախոսով: Այդ ոգով ու գիտակցությամբ նրանք վկայեցին իրենց սերն ու նվիրումն առ հայրենին եւ իրենց հեղած արյամբ նվիրագործեցին որդիական հավատարմությունն ու նախանձախնդրությունը՝ հանդէպ հարազատ ժողովուրդն ու արժեքները: Մեր քաջարի զինվորների անօրինակ սխրագործություններն արձանագրված են մեր նորօրյա պատմության էջերում եւ ոգեշնչող պիտի լինեն ապագա սերունդների համար՝ ապրելու առ Աստված, առ ազգն ու հայրենին մոլոյն սիրով ու նվիրումով:



Մենք՝ ամենքս, պարտք ունենք մեր նահատակ հերոսների հանդէպ, որոնք, համաձայն պատմահայր Խորենացու խոսքերի, «մահկանացու ծնվելով՝ անմահ հիշատակ թողեցին»: Մենք՝ ամենքս, պարտք ունենք նրանց անմահ հիշատակի առջեւ՝ իրագործելու նրանց երազները, ապահով, շեն ու բարօր դարձնելու Զայաստան եւ Արցախ հայրենի մեր երկիրը, որի պաշտպանության համար նրանք իրենց կյանքն ընծայեցին:

Մենք հավատում ենք, որ մեր սիրելի զավակները երկնքում պիտի արժանանան Տիրոջ տեսությանը, երկնային լույսերի ու փառքի մեջ հավիտյան ապրելու երանությանը, եւ նրանց համար պիտի հնչի մեր

Փրկչի՝ Զիսուս Քրիստոսի խոսքը. «Եկեք, իմ Զոր օրհնյալներ, ժառանգեցեք աշխարհի սկզբից ձեզ համար պատրաստված արքայությունը» (Մատթ. ԻԵ 34):

Աղոթական այս պահին, սիրելիներ, ի խորոց սրտի հայցենք Ողորմած Տիրոջը, որ հանգստություն ու խաղաղություն պարգեւի իր հավատարիմ ծառաների հոգիներին եւ մխիթարություն ու սփոփանք՝ նրանց ծնողներին, հարազատներին ու մերձավորներին: Զայցենք, որ մեր երկրի համար դժվարին այս ժամանակներում զորացնի մեր ժողովրդին հույսով, հավատով ու սիրով՝ ծանր փորձությանը համբերությամբ եւ տոկոսությամբ դիմակայելու, ցավն ու նեղությունները քաջաբար հաղթահարելու եւ ամեն ջանք ներդնելու մեր հայրենիքի պաշտպանության եւ զորացման կենսական առաքելության մեջ:

Թող երկնավոր Տերն իր Սուրբ Աջի ամենախնամ հովանու ներքո ապահով ու անվտանգ պահի Զայոց բանակի քաջազուն զորականներին եւ հայրենաբնակ ու աշխարհասփյուռ մեր ողջ ժողովրդին:

Զանգեք խաղաղությամբ, անմահ նահատակներ, մեր ժողովրդի սիրելի զավակներ: Խուճն, աղոթք եւ օրհնություն անմահացած մեր զինվորների լուսավոր հիշատակին այսօր եւ միշտ եւ հավիտյանս. ամենն»:

Սուրբ Թադեոս եւ Սուրբ Բարդուղիմեոս առաքյալների տոնը Մայր Աթոռ Սուրբ Էջմիածնում

Դեկտեմբերի 4-ին Զայաստանյայց Առաքելական Սուրբ Եկեղեցին տոնախմբեց հայոց առաջին լուսավորիչներ սուրբ Թադեոս եւ սուրբ Բարդուղիմեոս առաքյալների տոնը: Դեռեւս 2015 թվականին տոնը Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Զայոց Կաթողիկոսի սրբատառ կոնդակով հռչակվել է աստվածամուկ Սուրբ գեղարդի ուխտի օր: Այդ օրը հավատացելոց օրհնության համար դուրս է բերվում Մայր Աթոռ Սուրբ Էջմիածնում պահվող համաքրիստոնեական սրբությունը:

Բերկրառատ տոնի առիթով Մայր Աթոռ Սուրբ Էջմիածնի Սուրբ Զովհաննէս Մկրտիչ եւ Սուրբ Վարդան մատուռ-մկրտարանում, Գարեգին Երկրորդ Ամենայն Զայոց Կաթողիկոսի օրհնությամբ, մատուցվեց սուրբ Պատարագ: Պատարագիչն էր Մայր Աթոռի քրիստոնեական դաստիարակության կենտրոնի տնօրեն Զաքարիա Ծ. վրդ. Բաղումյանը:

Պատարագին ներկա էին Մայր Աթոռում պաշտոնավարող եպիսկոպոսներ, միաբաններ եւ ուխտավորներ:

Պատարագի ընթացքում եկեղեցական թափոխի առաջնորդությամբ Մայր Աթոռի վանական խորհրդի ատենապետ եւ լուսարարապետ Մուշեղ եպս Բաբայանի կողմից մատուռ-մկրտարան բերվեց աստվածամուկ սուրբ գեղարդը: Սրբազան հայրն օրհնեց ներկա ժողովրդին, ապա հավատացյալներին հնարավորություն ընձեռվեց երկրպագելու եւ համբուրելու հրաշագործ սրբությունը:

Սրբազան արարողության ընթացքում հայր սուրբը, անդրադարձ կատարելով տոնի խորհրդին, ի մասնավորի նշեց. «Ցնծում են այսօր Զայոց եկեղեցին եւ նրա ուխտապահ ժողովուրդը, քանզի նշում ենք մեր եկեղեցու հիմնադիր առաքյալների տոնը, որոնք Քրիստոսի սիրո վարդապետության սերմերը ցանցին դրախտավայր Զայաստանում, քրիստոնեությունը դարձավ «մաշկի գույն», իսկ դարերի բովում հայր միշտ վերահաստատեց ս. Պողոս առաքյալի խոսքերը. «Ո՛վ կարող է մեզ բաժանել Քրիստոսի սիրուց. նեղությունը, թե՛ անձկությունը, թե՛ հալածանքը, թե՛ սովը, թե՛ մեղկությունը, թե՛ վտանգը, թե՛ սուրը» (Հռոմ. Ը 35):

Այս օրը մեզ համար վերանորոգության, վերաքրիստոնեացման եւ մշտապես ուղղափառ դավանանքի խոստովանության օրն է: Եիշտ է՝ ժամանակներն ու արժեքները փոխվել են, բայց անխախտ են մնացել Տիրոջից փոխանցված ճշմարիտ հավատքը, հավատարմությունն Աստծու եւ մեր նախնիների դավանած արժեքների հանդէպ: Ուստի այսօր եկել ենք նաեւ սուրբ առաքյալների բարեխոսությունը հայցելու Տիրոջ մոտ, մեր սերն ու հա-



վատարմությունը վերահաստատելու Զայոց եկեղեցու նկատմամբ, ինքնաճանաչվելու եւ առավել զորանալու՝ ուխտելով, որ անաղարտ կպահենք ուղղադավանությունը, հավատարիմ կլինենք մեր հայրերի եւ վարդապետների թողած հարուստ ժառանգությանն ու բարոյական արժեքներին եւ երբեք չենք լքի այն հողը, որ ոռոգվել եւ պտղաբեր է դարձել մեր առաքյալների ու նախնիների թափած թանկագին արյամբ»:

Ներկայացնելով առաքյալների մահատակության պատմությունը՝ հայր Զաքարիան հաստատեց, որ այն համակ սեր է Տիրոջ եւ հայ ազգի հանդէպ, եւ նրանց ոտնակոխ վայրերը սրբատեղիներ են դարձել հայության համար՝ հավատքի մեջ հաստատվելու եւ անկորնչելի հույսով ապրելու համար:

Իր քարոզում պատարագիչ հայր սուրբն օրվա խորհրդի լույսի ներքո անդրադարձավ նաեւ հայրենիքի գաղափարին՝ մասնավորապես ընդգծելով. «Աստծուց մեզ տրված մեր հայրենիքը սրբազան եւ նվիրական է, քանզի այս հողի վրա են իրենց արյունը թափել Քրիստոսի առաքյալներն ու մեր քաջ նախնիները: Այն այլեւս հող չէ սովորական իմաստով, այլ հայրենիք, որի առաջ ամենքս ունենք մեր պատասխանատվությունն ու պարտականությունները: Զայրենի հողը գուրգուրանքի եւ սիրո կարիք ունի, բայց առավել եւս՝ այդ հողի վրա ապրելու եւ արարելու անհագ ցանկություն եւ կամք»:

Վերջում հայր Զաքարիան հորդորեց հավատացյալներին՝ հայցել սուրբ Թադեոսի եւ սուրբ Բարդուղիմեոսի բարեխոսությունը հայ ազգի համար, որպեսզի առաքելական հավատքը զորացնի ու պահպանի ամենքին, իսկ այսօր դուրս բերված սուրբ գեղարդը շարունակի հրաշագործել եւ պահպանել Զայոց աշխարհը:

Սուրբ Պատարագի ավարտին Մուշեղ արքայապետն օրհնեց ներկա ժողովրդին:

Աստվածամուկ սուրբ գեղարդը Մայր Աթոռի մատուռ-մկրտարանում մնաց մինչեւ երեկոյան ժամերգության ավարտը:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի



ՀԱՅ ԱՌԱՔԵԼԱԿԱՆ ԵՎԵՆԵՑՈՒ ՆՈՐ ՆԱԽԻԶԵԼՆԻ ԵՒ ԲԵՄԱՐԲԻՆՅՈՒ ԹԵՐԻ՝ 1830–1918 ԹԹ. ՀՈՒՆԻՈՐ- ԼՈՒՍԿԱՐԱՐՉԱԿԱՆ ԴՈՐԾՈՒՆԵՈՒԹՅՈՒՆԸ

Սկիզբը՝ թիվ 21–22

1850–1870-ական թթ. հասարակական-մշակութային կյանքը գաղութում վերստին վերելք է ապրել, դրանում մեծ էր Հովհաննես եւ Գաբրիել Այվազովսկի եղբայրների ավանդը: Մեծ ծովանկարիչը Ս. Սարգիս եկեղեցուն է կտակել Սուղակի հովտում գտնվող իր կալվածքի պատկառելի մասը, որի վաճառքից ստացված 50 հազար ռուբլու տոկոսները մինչեւ 1920 թ. ծախսվել են եկեղեցու եւ ծխական դպրոցի կառուցման համար:

1858 թ. Գաբրիել վրդ. Այվազովսկու նախաձեռնությամբ Թեոդոսիայում հիմնվում է «Խալիբեան» վարժարանը: Դպրոցը պահվել է Նոր Նախիջեւանի նախկին քաղաքագլուխ, մեծահարուստ վաճառական Հարություն Խալիբյանի նվիրատվությունների, եկեղեցական գումարների եւ սովորողների կատարած մուծումների հաշվին: Գիշերօթիկ դպրոց էր, որտեղ սովորել են հայ երեխաներ՝ անկախ բնակության վայրից եւ դավանանքից: Ուսումնարանի վարչության իրավասությանն են պատկանել ուսուցիչների նշանակումը, դասագրքերի եւ դասավանդման մեթոդների ընտրությունը: Դասավանդվել են հայերեն, ռուսերեն, ֆրանսերեն եւ թուրքերեն, հավասարապես նաեւ բոլոր այն առարկաները, որոնք Ռուսաստանում եւ Եվրոպայում կազմել են գիմնազիական միջնակարգ կրթության հիմունքները (թվաբանություն, երկրաչափու-

թյուն, պատմություն, աշխարհագրություն, քիմիա, ֆիզիկա, կրոնագիտություն, նկարչություն, գեղագրություն, մարմնամարզություն եւ այլն): Թուրքերենը դասավանդվել է արեւմտահայ, իսկ ռուսերենը՝ արեւելահայ երեխաների համար: Առաջին ուսումնական տարում վարժարանն ուներ 39 աշակերտ, 1860–1861 թթ.՝ 139, 1862–1864 թթ.՝ 92, 1866–1867 թթ.՝ 62: Դասընթացը բաժանվում էր 6 դասարանի:

Ուսումնարանի ընդհանուր կառավարումն իրականացրել է նրա վերատեսուչ Գաբրիել Այվազովսկին: «Խալիբեան» վարժարանի վերատեսուչներ են եղել Գ. Այվազովսկին, Ս. Տիգրանյանը (1865 թվականից): 1860–1861 թթ. վարժարանում գործել է մեծահասակ կանանց եւ տղամարդկանց գիտելիքներ հաղորդելու լսարան: 1862 թ. սեպտեմբերին կատարվել է ուսումնարանի նորակառույց շենքի հանդիսավոր բացումը: «Խալիբեան» ուսումնարանն ուներ հիվանդանոց, տպարան, որը հրատարակում էր հայերեն եւ ռուսերեն դասագրքեր, գեղարվեստական, պատմական, թարգմանական գրականություն, տարեգրքեր: Թեոդոսիայում հրատարակվել են «Մասեաց աղանի» (1860–1865 թթ.), «Դաստիարակ» (1873–1874 թթ.) պարբերականները: Այվազովսկու հեռանալու եւ եկեղեցական գումարներից զրկվելու հետեւանքով վարժարանը 1871 թ. փակվել է:

XIX դ. Կերչը դարձել է Ռուսական կայսրության առեւտրական կարելուր կենտ-



րոններից մեկը, եւ տեղի հայերի միջոցով իրականացվել է Ազովի ծովի ավազանի երկրների եւ արտասահմանի հետ կատարվող առևտրի նկատելի բաժինը: Կերչում հայերի թիվն աստիճանաբար ավելացել է եւ XX դ. սկզբին հասել շուրջ 1600-ի: XIX–XX դդ. համայնքում գործել են հայկական եկեղեցի, ծխական դպրոց, հոգաբարձություն:

Ղարաուբազարը XVII–XVIII դդ. դրիմահայ խոշոր գաղութներից էր՝ Ղրիմի ներքին եւ արտաքին առևտրի ճանաչված կենտրոն: XIX դ. հայերն այստեղ բնակչության թվով երկրորդն էին՝ թաթարներից հետո: 1897 թ. հայերի թիվը կազմել է շուրջ 3 հազար: Ղարաուբազարում է նստել Ղրիմի Հայ Առաքելական եկեղեցու հոգևոր իշխանությունը: 1816–1920 թթ. գործել է ծխական դպրոց:

Յալթայում հայերը հաստատվել են XIII դ.: Ռուսաստանին միանալուց հետո Յալթայում ապրող հայերի թիվը աճել է եւ XIX դ. վերջին հասել մոտ 1000-ի: 1809 թ. սկսվել են 1917 թ. ավարտվել է Յալթայի Սուրբ Հռիփսիմե հայկական եկեղեցու շինարարությունը (ճարտարապետ՝ Գ. Տեր-Միքելյան, քանդակները եւ խորանի ձևավորու-

մը կատարել է նկարիչ, քանդակագործ եւ հնագետ Տարագրոսը (Տեր-Վարդանյան): 1917–1920 թթ. Յալթայի հայկական եկեղեցու պատերը, խորանը, գմբեթը նկարագրող էլ եւ ակամավոր նկարիչ Վ. Սուրենյանցը (պահպանվել է միայն գմբեթի նկարագրողը): 1921 թ. ապրիլի 6-ին նա վախճանվել է եւ հուղարկավորվել Յալթայի հայկական եկեղեցու բակում:

Սեւաստոպոլի հայ համայնքը կազմավորվել է XIX դ. կեսին: 1897 թ. այստեղ ապրել է շուրջ 900 հայ: Հայերն ունեցել են իրենց աղոթատունը, 1913 թ. հիմնել են Ռաֆայել Պատկանյանի անվան «Հայ Գրիգորեան» ընկերությունը:

Ստարի Կրիմ (թաթարական անվանումը՝ Եսկի Կրիմ, հայկականը՝ Հին Ղրիմ, Սուրխաթ, ջենովականը՝ Սոլկատ) քաղաքը հիմնվել է XIII դ.: Հայերն այստեղ բնակվել են քաղաքի հիմնադրումից ի վեր: Սուրխաթ անունը, որը մերձակա լեռանը տրված հայերեն «Սուրբ հաչ» անվան ջենովական աղավաղված ձևն է, ինքնին վկայել է այնտեղ հայերի մեծաթիվ լինելը: Իրենց թվով հայերը գերազանցել են քաղաքի այլազգի բնակիչներին: 1892 թ. քաղաքում ապրել է շուրջ 2 հազար հայ: ➔ էջ 4

Գիտատեխնիկական առաջընթացի հետևանքների բիոէթիկական ուսումնասիրության հիմնահարցեր

Վախենում եմ ես՝ այնքան խոր տեսնես, որ հողագործի կործանմանն հասնես: Մարդու ահավոր իմաստությունը՝ Վաղը կքանդի մարդկության տունը: Հովհաննես Շիրազ

Մարդկության գոյության երկրորդ հազարամյակի ավարտը եւ անցումը պատմության երրորդ հազարամյակ մշանավորվել են համաշխարհային պատմական գործընթացի բնույթի, տեմպերի էական փոփոխություններով: Այդ անցումի պայմաններում համաշխարհային պատմության դեպքերի եւ իրադարձությունների հարահուսում երեւակվում են ճգնաժամային երևույթներ:

Ավելի ու ավելի ակնառու է դառնում ժամանակների խզման «ֆենոմենը», երբ ապագան գրոհում է արտասովոր արագությամբ: Մեկ սերնդի աչքի առջև ծագում եւ կործանվում են համաշխարհային ամբողջատիրական կայսրություններ, իրականացվում է իր անակնկալությամբ վեհացունք թռիչք՝ համայնավարական իդեալների սոցիոմից դեպի հետսոցիալիստական հասարակություն, սրընթաց փոփոխվում է աշխարհի քաղաքական քարտեզը, երբ 20-րդ դարի երկրորդ կեսին առաջանում էր մերկայումս գոյություն ունեցող պետությունների ավելի քան կեսը:

Աշխարհը ներառված է գիտատեխնիկական առաջադիմության թռիչքաձեւ զարգացումներում: 20-րդ դարում հայտնագործվեցին նոր՝ մեգաաշխարհներ եւ միկրոաշխարհներ, իսկ գիտելիքների ինֆորմացիոն (տեղեկատվական) զանգվածը բազմապատկվում է աննախադեպ արագությամբ:

Մարդիկ արդեն չեն հասցնում հարմարվել փոփոխությունների այդպիսի տեմպին: Առաջանում է սոցիալական վիթխարի հակասություն, որը կոչվել է ֆուտուրոլոգի (*Encyclopedia of Bioethics*, Stephen

G. Dost, editor of chief, 2004, 2-nd ed., p. 12, Биоэтика: вопросы и ответы, под. ред. Б. Г. Юдин и П. Д. Тищенко, М., 2003):

Մենք սկսում ենք գիտակցել, որ մարդկությունը հայտնվել է սեփական հզորության թակարդում: Գիտատեխնիկական առաջադիմությունը մարդը վերածել է էկոլոգիական ճգնաժամի, որի հետեւանքները դժվար է կանխատեսել: Առաջացել է ջերմամիջուկային ինքնառնչացման սպառնալիք:

Ճշմարտության հանդեպ անտիկ ժամանակներից եկող սերը վարկաբեկվել է զանգվածային ոչնչացման զենքի արտադրությամբ կամ արհեստական մարդու ստեղծմանը միտված գիտելիքի ցնիզմով: Եվ գլխավորը՝ մարդկությունը վերածվում է տեխնիկական ինքնամպատակ ռազմավարության գործիքային միջոցի: Կորսվում են գոյություն ունեցողի նկատմամբ սերը, երկյուղածությունը, նրա նկատմամբ հարգալից վերաբերմունքը եւ, որ առավել կարելու է, կեցության, կյանքի բոլոր դրսեւորումներին նկատմամբ պատասխանատվությունը:

Դրա վկայությունը հայերի ցեղասպանությունն էր, որը կրկնվեց իրեաների Հոլոքոստով: Եթե մարդկությունը ժամանակին «ոչ» ասած լիներ Հայոց եղեռնին, ամենայն հավանականությամբ իրեական Հոլոքոստ չէր լինի:

Իսկ արդյոք դասեր քաղվե՞ց: Արդյոք գիտակցեցի՞նք, որ անտարբերությունը չարիք է եւ մեղսակցություն...

Ամբողջատիրական վարչակարգերի փլուզումը երկրորդ հազարամյակի ավարտին ցույց տվեց եւս մի արտասովոր երևույթ:

Խորհրդային սոցիալիզմի փլուզումն առաջացրեց «բացարձակ սխալի» աննախադեպ իրադրություն՝ պարզ դարձնելով, որ մարդկության նշանակալի մասի ռետուրները եւ ջանքերը ծախսվել են պատմական գերխաբեկանքների իրականացման համար:

Կարծես ակներեւ է դարձել, որ երկրի վրա անհնար է կառուցել դրախտ, կարելի է միայն կանխել դժոխքը: Դա նշանակում է, որ մարդկության համաշխարհային պատմական գործունեությունն սկսում է կողմնորոշվել ոչ թե դեպի համընդհանուր երջանկության հասնելը, այլ պայքարելն ապակառուցողական կործանարար ուժերի դեմ: Իզուր չի ասվում, որ տեխնաժին վթարների վտանգը հավասարազոր է պատերազմների վտանգին: Հի վերացել նաեւ ջերմամիջուկային ոչնչացման սպառնալիքը:

«Մենք ապրում ենք անկայուն աշխարհում. այսօր փոփոխությունները նույնական չեն առաջադիմության հետ, քանի որ մեծամասշտաբ փոփոխությունը կարող է հանգեցնել «պատահական ոչնչացման»... եւ դա ոչ միայն ռազմական պատճառներով (*Силуанова И. В. «Вызов биоэтики сегодня»: Католический сипозиум по биоэтике сегодня. Альфа и Омега, Москва, 1998, № 4*):

Համաշխարհայնացման գործընթացները ցույց են տալիս, որ տարածաշրջանային առումով առանձին երկրներում արդիականացման փորձերը կարող են հաջող ավարտ ունենալ, սակայն համաշխարհային պատմության մասշտաբով բոլոր հեղինակավոր ծրագրերը, որոնց հետ կապվում էր կապիտալիզմի կամ սոցիալիզմի պատմական առաքելությունը, չարդարացրին մարդկության հույսերը:

Ցավալի է, բայց փաստ, որ դրանցից եւ ոչ մեկը չհանգեցրեց այնպիսի երեւույթների վերացմանը, ինչպիսիք են աղքատությունը, ուղղակի կամ քողարկված գործազրկությունը, հանցագործությունը, ապագայի նկատմամբ անվստահությունը, մարդու սոցիալական անպաշտպանվածությունը: Մարդկությունն իր պատմության երկրորդ հազարամյակի սկզբում արդեն փորձարկել է սոցիալական երջանկության

հասնելու հնարավոր գաղափարների, նախագծերի, ուսույթի անհրաժեշտությունը եւ համոզվել դրանց նվազ իրագործվելության մեջ:

Այդ պայմաններում պատմության ռազմավարական կողմնորոշիչների փոփոխությունը դարձել է անհրաժեշտություն: Այդ անհրաժեշտությունը հստակ ձեւակերպվել է Ռասել-Էյնշտեյնի 1955 թվականի հայտնի հուշագրում, որը դարձավ Պազուտյան շարժման մանիֆեստը եւ այնուհետեւ սկսեց կոնկրետ կերպով հաշվի առնվել Հռոմի ակումբի նախագծերում, ՄԱԿ-ի գործունեության մեջ եւ արդիականության տարբեր ինտելեկտուալ շարժումների փաստաթղթերում:

Ներկայումս արդիականության ինտելեկտուալ ռազմավարությունները կողմնորոշվում են դեպի անձի իրավունքների հիմնարար նշանակությունը: Հենց դրանով է պայմանավորված բարոյաիրավական հիմնահարցերի աճող ազդեցությունը տմեսական, քաղաքական, սոցիալական, ազգային, էկոլոգիական խնդիրների լուծման գործում:

Մեր ժամանակներում վերստին օրակարգի հարց է դառնում գիտատեխնիկական, տնտեսական, քաղաքական, էկոլոգիական վերափոխումների էթիկական մեկնաբանության կամ փորձաքննության հիմնահարցը: Դա էլ հիմք է տալիս կենսաբարոյագիտական թեմատիկական առանձնացնելու՝ որպես սոցիալ-փիլիսոփայական ուսումնասիրությունների ինքնուրույն ոլորտ:

Հիմնահարցի արդիականությունը պայմանավորված է նախեւառաջ այն հանգամանքով, որ գիտատեխնիկական առաջադիմության բարդ ու հակասական բնույթը, սոցիալ-տնտեսական, տեխնոլոգիական եւ բարոյական փոփոխություններն անհրաժեշտություն են առաջացնում նորովի իմաստավորելու մարդկային քաղաքակրթության, բուն կյանքի արժեքանական հիմքերը: ➔ էջ 7, 8

Վաթսուռականների արձակագիրներ. Ժամանակը եւ հերոսը



Սկիզբը՝ թիվ 12—22

Թ.

Ժամանակակից հայ արձակուրդ գրական հերոսների մի յուրահատուկ պատկերաշար է ստեղծում Աղասի Այվազյանը։ Նրա «Ընտանիքի հայրը», «Փառահամար», «Սիմյոն Մարտիրոսի արկածները» գրքերում գետեղված պատմվածքները ներկայացնում են կյանքը գեղագիտական որոշակի սկզբունքներով վերարտադրող մի հեղինակի։

Կյանքի գեղագիտական յուրացման տեսակետից մասնակի նրբերանգային տարբերություն կա Այվազյանի «Ընտանիքի հայրը», «Սիմյոն Մարտիրոսի արկածները» ժողովածուներում եւ «Փառահամար»-ում գետեղված պատմվածքների միջեւ։ Առաջին երկու գրքերում կյանքի պատկերները ներկայացվում են իրական, սովորական վիճակների մեջ, հաջորդում նկատելիորեն ավելանում է կյանքի ու իրականության ընկալման եւ գեղարվեստական վերարտադրման պայմանականությունը։

«Եռանկյունի»-ն մանկան անմիջական դիտողականությամբ վերարտադրված կյանքի մի պատկեր է, ուր ներկայացվում են եռանկյունի դարբնոցի եւ նրա հինգ դարբինների հարաբերությունները, բնավորությունները։ Այվազյանն իր հերոսներին միաձուլում է անկեղծության, տխրության, ինչ-որ չափով ծիծաղելիության հոգեբանա-

կան շաղկապով եւ ստեղծում նրբերանգներով հարուստ մի պատմություն։ Դարբնոցի հինգ Սկրտիչներից ամեն մեկն ունի իր ոճն ու ինքնուրույն նկարագիրը, սակայն դա չի խանգարում, որ ամբողջությամբ այդ կերպարները լրացնեն իրար, եւ ամեն մեկը յուրովի շարունակվի մյուսի մեջ։ Բաց հոգու տեր, անսահման բարի, մի քիչ տխուր, մի քիչ պարզունակ մարդիկ են Սկրտիչները, որոնք իրենց կյանքով, իրենց երգերով, սերերով, արկածներով, իրենց դարբնոցով՝ ապրող հիշատակ են դառնում փոքրիկ Յովիկի համար։

«Եռանկյունի» պատմվածքի հերոսների մեջ առանձնահատուկ ոչինչ չկա, նրանք ոչ մի մեծ բան չեն անում, սովորական ձեռով ապրում են իրենց կյանքը։ Այդ սովորական աննկատ կյանքն էլ իր դեպքերով ու մարդկանցով, դառնում է Այվազյանի ստեղծագործության հիմնական նյութը։ Մանրաքանդակ դրվագումներով մա ստեղծում է այդ կյանքի հետաքրքրական պատկերներ։ Այս առումով ուշագրավ գործեր են նաեւ «Սիմյոն Մարտիրոսի արկածները» գրքում գետեղված «Ես՝ իմ մայրը», «Սուրբ Ճշմարտություն», «Վանոն եւ գորդավորը»։ Սակայն միշտ չէ, որ Այվազյանը կարողանում է ապահովել նյութի գեղարվեստական խորությունն ու ստեղծել ավարտուն պատմվածքներ։ Հատկապես վերջին գրքում քիչ չեն դրվագային, անավարտ, սոսկ տպավորությունների ու զգա-

յությունների թուլցիկ արձանագրություններ հիշեցնող պատմվածքները («Շշուկ», «Կիր-ճը», «Հին թախտը», «Ալեքսանի բարձը», «Ծեր Եպրաքսին եւ նրա տարեց տղան»)։

Այվազյանի նշված գործերից շատերին, ընդհանրապես, նրա գեղարվեստական մտածողությանը բնորոշ են պրիմիտիվիզմի որոշ տարրեր։ Դա մա բերել էր Թիֆլիսից, Թիֆլիսի քաղաքային միջավայրից, այդ միջավայրի նկարիչ Փիրոսմանիից։ Սա որքան գաղափարական, մտավոր հարազատություն է, նույնքան էլ բնածին է ու կենսաբանական։ Պրիմիտիվիզմն ակնառու է եւ նյութի ընտրության, եւ նյութի գեղարվեստական մշակման, եւ հերոսների պատկերման ասպարեզում։ Գեղագիտական այս կողմնորոշումն ուշագրավ նրբերանգներ է հայտառում սովորական դեպքերի ու պատմությունների մեջ։

Այվազյանի նախընտրած նյութը շատ դեպքերում խնդրահարույց ուղղվածություն չունի, ինչի հետեւանքով եւ նրա հերոսները հանրային նշանակությամբ չեն առանձնանում, այլ ավելի շատ մնում են կենցաղայինի, առօրեականի շրջանակներում։ Տվյալ նյութի սահմաններում հեղինակի նպատակադրումը նրբերանգների հայտնաբերման եւ չնկատված ծալքերը բացահայտելու մեջ է։ Այս տեսակետից սովորական նյութն անգամ, ենթարկվելով հեղինակի ստեղծագործական մշակմանը, ստանում է անսովոր տեսք, ինչը պայմանավորված է հեղինակի գրական սկզբունքներով։ Հեղինակի նպատակը միայն գրական հերոսների կերպավորումը չէ, այլեւ պատկերվող կյանքի կերպավորումը, ինչի հետեւանքով նրա գրական հերոսը, ինքնավար գոյությամբ ապրելու հետ մեկտեղ, երբեմն չի բարձրանում նյութից եւ չի դառնում գլխավոր նպատակ, այլ ընդհակառակը՝ ձուլվում է նյութին, եւ պատկերվող կյանքն ու հերոսը մնում են նույն հարթության վրա։

Անսովոր ու մի քիչ էլ տարօրինակ վիճակների մեջ են ներկայացվում «Փառահամար» ժողովածուի պատմվածքների հերոսները, որոնց միջոցով ներկայացվում է մտածելու եւ կյանքն ընկալելու մի նոր տարբերակ։

Ոգետրության ու ներշնչանքի մի յուրահատուկ պահի մեջ է ներկայացնում «Փառահամար» պատմվածքի հերոս ձեռնածուն։ Նա հրաշքներ է գործում, եւ կյանքը զարմանք է թվում նրան։ Կրկեսային հերթական աճաբարության ժամանակ մա այն զգացողությունն է ունենում, որ կյանքում անհնարին ոչինչ չկա։ Ոգետրության պահ է՝ ձեռնածուն իր ներսում աներեւակայելի ցանկություններ է ունենում, ինքն իր զգայությունների ու մտապատկերի մեջ ստեղծում այդ ամենը,

զարմանում իր երեւակայության ստեղծածի վրա եւ հավատում դրանց իրական գոյությանը։ Զարգացվում է այն միտքը, ըստ որի՝ ամեն ինչ ավելի կատարյալ ու ամբողջական է ներքին աշխարհում։ Պատրանքով ապրելու պահն է ներկայացնում հեղինակը, հերոսին կտրում իրերի առկա վիճակից եւ գցում մի այնպիսի դրության մեջ, երբ կարող են նրա բոլոր ներքին ցանկություններն առարկայանալ եւ շրջապատել իրեն։ Սա արդեն երեւակայությամբ ստեղծված կյանքի հատկանշական պահերից մեկն է, ուր իրական կյանքի «...վախերը, կիսատ սերը, կիսաճշմարտությունը», որոնք հերոսի ապրելու համար ոչ մի հաճելի գրգիռ չէին կարող ստեղծել, ծածկվում են ոգետրության մշուշով, ներշնչանքի ու ոգետրության մեջ կատարելագործվում եւ անշոշափելի դարձնում շոշափելի ու իրական։

Այսպիսի պայմանական մի վիճակ ստեղծված է նաեւ «Հեքիաթ» պատմվածքում։ Հեղինակը՝ որպէս իրականություն, ներկայացնում է այնպիսի մի իրավիճակ, ինչը հավանաբար ստեղծվել է հերոսի երագի մեջ եւ նրա երեւակայության արգասիքն է։ Այվազյանը որպէս իրական վիճակ ներկայացնում է հերոսի զգայախաբությունը (հալուցիմացիան)։ Այն ամենը, ինչ ցուցադրվում է, մտքի ստեղծած խաղն է. այդ խաղին մասնակցելու կամ այն հասկանալու համար պետք է իմանալ նրա օրենքները, որի առաջին կետերից մեկը սա է. «Իմ բոլոր շարժումները կատարվում էին ուղեղումս եւ իրականությանը այնքան մոտ, որ ես չգիտեի, ուրիշ ինչ կերպ պետք է սկսվի իրական շարժումը»,— այս խոսքերն ասվում են պատմվածքում եւ նախնական պայմանավորվածություն ստեղծում գործի եւ ընթերցողի միջեւ։ Այս բնույթի է նաեւ «Փախուստ»-ը. երեւակայության մեջ ստեղծածը դարձյալ հերոսին իրականություն է թվում։ Վիճակն այսպիսին է. մեկն անտառում յոթ տարի թաքնվելուց հետո եկել ներկայացել է քննիչին եւ ասում է՝ ինքը հանցագործ է, սպանել է իր կնոջը, նրա սիրեկանին եւ մի միլիցիոների. որ ձերբակալեն իրեն։ Քննությունը պարզում է, որ մա ոչ ոքի չի սպանել, յոթ տարի առաջ անհետացել է տնից եւ թաքնվել անտառում։ Երեւակայության բոլորքեման ժամանակ նրան թվացել է, թե խանդի պահին ինքը սպանություններ է կատարել, այնինչ այդ ամենը դարձյալ մտքի զգայախաբություն է։ Հիվանդագին ինչ-որ բան կա այս հերոսի մեջ, այնքան է ինքն իրեն ներշնչել, թե ինքը հանցագործ է, իր, ի վերջո, փաստորեն հասել է հոգեկան խոլագրման եւ հիմա արդեն դժվարանում է զանազանել իրականն ու երեւակայականը։ ➔ էջ 6, 8

ՀԱՅ ԱՌԷԵԼԿԱՆ ԵՎԵՆԵՑՈՒ ՆՈՐ ՆԱԽԻԶԵԼՆԻ ԵՒ ԲԵՍԵՐԷԻԼՅՈՒԹԵՐԻ՝ 1830–1918 ԹԹ. ՀՈՒՆԻՈՐ-ԼՈՒՍԵՎՈՐՉԿԱՆ ԴՈՐԾՈՒՆԵՌԻԹՅՈՒՆԸ

← էջ 3

XIX դ. վերջին քառորդին Սիմֆերոպոլի, Եվպատորիայի եւ Թեոդոսիայի տնտեսական նշանակության բարձրացմանը զուգահեռ՝ Սուխաթի դերն ընկել է։ Հայերն սկսել են տեղափոխվել այլ քաղաքներ. 1902 թ. այստեղ բնակվել է ընդամենը 410 հայ։

Սուդակի (Սուդայա, Սուրոժ) հայ համայնքը ձեւավորվել է XII դ.։ XIV–XV դդ. հայերը թվով գերազանցել են քաղաքում բնակվող մյուս ազգերին։ Սուդակի մերձակայքում հիմնվել են հայկական գյուղեր՝ իրենց եկեղեցիներով։ XIX–XX դդ. քաղաքում գոյատևել է փոքրաթիվ հայ համայնք։

Այսպիսով՝ միջնադարյան Դրիմում գործել են տասնյակ հայկական եկեղեցիներ ու վանքեր։ Ռուսական տիրապետության շրջանում դրիմահայ եկեղեցական գործերը մինչեւ 1803 թ. վարել է Նոր Նախիջեւանի հոգեւոր առաջնորդությունը։ 1803 թվականից սկսել է գործել դրիմահայոց հոգեւոր կառավարությունը (նստավայրը՝ Դարասուբազար)։ Մինչեւ XIX դ. կեսը Ամենայն Հայոց Կաթողիկոսը Դրիմում պահել է կաթողիկոսական հաջորդ

(առաջնորդական փոխանորդ), որին 1840 թվականից փոխարինել է դրիմահայ եկեղեցիների եւ Ս. Խաչ վանքի հոգաբարձուներ։ 1810–1840 թթ. փոխանորդի աթոռը զբաղեցրել են եկեղեցական գործիչներ Սաւունել վրդ. Գյունուշխանեցին, Թադեոս վրդ. Բեկզադյանը։ Գլխավոր հոգաբարձուի պաշտոնում նշանակվել են աշխարհիկ ճանաչված գործիչներ, որոնք վարել են եկեղեցու ֆինանսատնտեսական գործերը, պաշտպանել նրա շահերը Բեսարաբիայի իշխանությունների եւ այլոց առաջ։ 1801–1810 թթ. Նոր Նախիջեւանի, Դրիմի եւ առհասարակ Նովոռուսիայի հայոց հոգեւոր առաջնորդը եղել է Եփրեմ արքեպիսկոպոսը (1809–1830 թթ.)՝ Ամենայն Հայոց Կաթողիկոս)։ Այնուհետեւ դրիմահայ համայնքն անցել է 1812 թ. ստեղծված Բեսարաբիայի թեմի, իսկ ապա 1830 թ. կազմավորված Նոր Նախիջեւանի եւ Բեսարաբիայի թեմի ենթակայությանը։

XIV–XVIII դդ. Դրիմում գործող հայկական գրեթե բոլոր վանքերին ու եկեղեցիներին կից հիմնվել են դպրոց-դպրատներ, կրթարաններ, որոնցում աստվածաբանությու-

նից բացի՝ ուսուցանվել են թվաբանություն, տոմարագիտություն, գրչության արվեստ, մանրանկարչություն եւ այլ առարկաներ։ Նշանավոր էին Ստարի Կրիմի Ս. Խաչ վանքի դպրոց-ճեմարանը եւ Կաֆայի Ս. Անտոն վանքի դպրատունը։

XIX–XX դդ. զաղուքի հիմնական կրթական հաստատությունները եկեղեցիներին կից գործող ծխական դպրոցներն էին։ Առաջին ծխական դպրոցը բացվել է 1816 թ. Դարասուբազարում՝ Մանուել Գյունուշխանեցու ջանքերով։ XX դ. սկզբին Տավրիկյան նահանգում գործել է հայկական ծխական 9 դպրոց՝ 23 ուսուցչով եւ 240 աշակերտով։ Կրթական մակարդակով առանձնապես աչքի է ընկել «Խալիբեան» ուսումնարանը։

Դրիմի հայկական եկեղեցիների ծխական հոգաբարձուներն ստեղծվել են XIX դ. վերջին – XX դ. սկզբին՝ Սիմֆերոպոլի, Դարասուբազարի, Արմյանսկի Բազարի, Կերչի, Թեոդոսիայի եւ Եվպատորիայի հայկական եկեղեցիների ծխական համայնքների կողմից եւ գործել մինչեւ 1913–1920 թթ.։ Նրանց խնդիրն էր օգնել եկեղեցու աղքատ ծխա-

կաններին, հիմնել դպրոցներ, աղքատանոց եւ աստվածափաճո այլ հաստատություններ։ Եկամուտները գոյացել են աղքատներին օգնելու համար եկեղեցում առանձնացված դրամագլխից, բարեգործական նպատակներով կատարված կտակներից եւ նվիրատվություններից։

Այսպիսով՝ ռուսահայերի կյանքում կարեւոր դեր է ունեցել եկեղեցին։ Նոր Նախիջեւանի եւ Բեսարաբիայի թեմի առաջնորդները, իրենց գործունեության ամբողջ ընթացքում, առանձնահատուկ նվիրումով են աշխատել եկեղեցիներ կառուցել, վերանորոգել, ինչպես նաեւ ուսումնական հաստատություններ հիմնել։ Հայաշատ գրեթե բոլոր բնակավայրերում հիմնվել են հայկական եկեղեցիներ, բացվել դպրոցներ։ Թեմական առաջնորդներն ազգային ինքնության ու մշակույթի պահպանման, ազգային կրթության ու լուսավորության վերելքի գործում մեծապես կարեւորել են եկեղեցու եւ կրթական հաստատությունների դերը։

Արման ՄԱՆՈՅԱՆ
Պատմական գիտ. թեկնածու

Մեծ եղեռնի արձագանքներն ու վավերագրությունը «Հայաստան» պարբերականի էջերում..



Սկիզբը՝ թիվ 22

«Համաձայն նյութով («Եղեռնի օրերը Հայաստանի մեջ») նկարագրվում է հարբերդի դաշտի ամենաբարձրագույն բնակավայրերից մեկում տեղի ունեցած մախճիրի գործողությունը. «1915 ապրիլի այս օրերը, սեւ օրերը կուգային խամրեցունելու Հայաստանի ամենդ գիւղական կեանքը, աւեր ու քանդ անելու հարբերդի միակ շենքով գիւղը» (Մույն տեղում):

Հետաքրքիր է, որ անգամ ժամանակի ակամատները ճիշտ են հասկացել եւ գնահատել եղեռնի կազմաբանությունը, թուրքական իշխանությունների կողմից տեղի ունեցած իրադարձությունների պլանավորված լինելն ու որոշակի սցենարով իրագործումը:

Հարբերդի դաշտի այս շեն ու շռայլ գյուղում եւս, ինչպես ամենուր, կոտորածի ու թա-

լանի սկիզբն ու ընթացքը գրեթե նույնակերպ են ընթանում. «Աղետը սկսած էր, գիւղիս հարստութեան մէկ կարեւոր մասը կազմող ոչխարները, կովերը, եզները եւ այս կարգի կենդանիները մէկիկ-մէկիկ բռնի կը տալուէին: Հաւեղեմները, պարէն ու պաշար թալանելով սպառնալիքի տակ կը տարուէին» (Մույն տեղում):

Այնուհետեւ սկսվում է գեւքի բռնագրավման գործընթացը. «1915 մայիսի սկզբներն էր. Տեղույս Միւսիւրը հրամայեց, որ բոլոր հայերու թով գտնուող գեւքերը իսկոյն հաւաքուին, ըսելով որ ասկէ առաջ Սահմանադրութիւն էր եւ ազատ էին գեւք կրելու, իսկ այժմ կառավարութիւնը կը հրամայէ որ բերեք ու յանձնեք իբրեւ հաւատարիմ հպատակներ, քանի որ թիւրքերն ալ իրենց գեւքերը պիտի յանձնեն» (Մույն տեղում): Այս մեթոդը թուրքական իշխանությունները կիրառել են շատ ան-

գամ եւ շատ վայրերում: Տերեկով, առերեսութեամբ թուրք հասարակությունից էլ հավաքում էին գեւքերը, իսկ գիշերով այն վերադարձնում եւ գիւղում ամենահետին թուրքին անգամ:

Հայաստանում գեւքերի մի մասը հանձնում են, բայց թուրք իշխանավորները հասկանում են, որ դա ամբողջը չէ, եւ շրջանային կառավարիչը ոստիկանական համալրված ուժերով գալիս է գյուղ եւ հրամայում. «Պէտք է յանձնեք ձեր բոլոր գեւքերը եւ նոյն իսկ ձեր թով գտնուող դանակները... Հավաքեցին մեզ մօտ գտնուող մեր գեւքերը եւ գացին» (Մույն տեղում): Սակայն մի քանի օր անց սույն գործողությունը նորից կրկնվում է: Այս անգամ ծեծում, անարգում, տանջամահ են անում գյուղի տարիքով եւ հեղինակավոր մարդկանց. «Միւսիւրը խիստ զայրացած հրամայեց ոստիկաններու, որ գիւղին մեծերը պատիժներու ու ծեծերու ենթարկէր ամենադառն միջոցներով» (Մույն տեղում):

Ահա եղեռնական օրերի դասական մի օրինակ, որը կրկնվեց Արեւմտյան Հայաստանի հարյուրավոր բնակավայրերում ամիսներ շարունակ:

1917 թ. օգոստոսի 19-ին «Հայրենի մամականի» խորագրի ներքո տպագրված ակնարկում նկարագրվում է Կարինից դեպի Երզնկա տանող ճանապարհին ընկած Ըլըճա գյուղի ապրած ողբերգությունը: Այս գյուղի 100 տուն հայությունից «հիմա կը գտնուի հազիւ 4 տուն 18 անդամներով, մնացեալ ամբողջ գիւղացիները Մեծ եղեռնին զոհ գացած էին»: Գտնուած հայութիւնը ամեն ջանք կը թափէ գիւղի վերաշինութեան, բայց չիկա եւ ոչ մի օգնութիւն դուրսէն, որ կարողանան իրենց նպատակին հասնել» (Մույն տեղում): Խոսվում է նաեւ հարեւան Մամախաթուն գյուղի կացության մասին, որը նույնպէս ավերակ վիճակում է: Կրկին ընդգծվում է, որ գաղթական հայությունն ամեն տեղ էլ ողբալի դրության մեջ է, խղճահարույց, բայց «Քղիի հիւսիսային մասին մէջ եղող փոքրաթիւ հայ գաղթականութեան վիճակը իր անմախանձելիութեամբ կը գերազանցէ բոլորը, բաղդի բերմամբ կենտրոններէ հեռի ինկած ըլլալուն համար» (Մույն տեղում):

Պարբերականի էջերում հաճախ թղթակ-

ցություններ ու նամակներ էին տպագրվում Կարին (Երզրում) քաղաքից եւ նրա շրջակայքից: Կարինից ուղարկված սույն նամակը խիստ հուզախոռով լիցքերով է պարուրված. «Կանցնիմ մէկիկ-մէկիկ հայոց թաղի փլատակներուն առջնութիւն: Ազգ, առաջնորդարանը քանդուած, Ս. Աստուածածին եկեղեցւոյ զանգակատունը փլցուած, Արծնեան վարժարանը այրուած: Ո՛ր է «Յառաջը», ի՞նչ է երիտասարդութիւնը, ի՞նչ է վերջապէս զարթ կեանքը՝ նախկին Կարնոյ:

Չկան: Ասոնց հակապատկերն է որ կը ցցի անցորդի աչքին» («Հայաստան», 1917 թ., թիվ 99): Ամեն կողմ որբերի ներկայութիւն՝ լռիւն ու խոհուն, ամենկեանի իրենց գիտակցութեանը՝ կատարուած անմախաղէպ մախճիրին անհասանելի...

«Հայաստանը» ուշադրության առանցքում էր պահում Միջագետքը, ուր հազարավորներ «մեր միսէն ու արիւնէն, կտոր-կտոր քայքայումի մը մէջ այլեւս չեն սպասեր վաղուան արշալոյսին» («Հայաստան», 1917 թ., թիվ 97):

Հեղինակն ամենեւին չի սաստկացնում գույները, երբ մշում է, որ ահարկու եւ ճգնաժամային գոյության մեջ է գալարվում օսմանյան երկրի հայությունը, «որուն կեանքը որքան հաւատարմութենէն, այնքան սովէն կախում ունի» (Մույն տեղում):

Պատկերն ավելի հուսադրական չէ գրավալ շրջաններում: Ահա խտացված արտահայտությունը վերոհիշյալ մտորումների. «Ունիմք հայ գիւղացին, կամ անոր ստուերը գրաւուած շրջաններուն մէջ, լաւագոյն հայը՝ որ պիտի յուսար եւ որմէ սակայն կը խզեն ամեն յոյսի առիթ» (Մույն տեղում):

«Հայրենի մամականի» շարքում «Ծննդավայրիս մէջ թափառական» վերնագրված նյութը հրաճանում էր Դերջանի գաղառակի երեկն ու այսօրը: Դերջանի գաղառակը, որը հայտնի էր ցորենի եւ գարու անբավ շտեմարաններով եւ բավարարում էր ոչ միայն Կարինի եւ Երզնկայի ազգաբնակչությանը, այլեւ օսմանյան զորքերի կարիքները, այժմ ամայի պատկեր է ներկայացնում: Պատերազմի դաժան հետեանքները «ամէն կողմ կը ցցին առջեւը:

➔ էջ 6

ՄԱՐԿ ԿՈՐԼԵՐ

Սկիզբը՝ թիվ 22

Աստվածաշնչյան տեքստի ուսումնասիրությունը հաստատում է այդ տպավորությունները: Հետեւենք Մատթեոսի ու Մարկոսի տարբերակներին: Հիսուսը հենց նոր էր շունչը փչել. հարյուրապետը բացականչում է. «Այս մարդը հաստատ Աստծո Որդին էր»: Այդ մի քանի բառերի մեջ երկու առանձնահատկություն է աչքի զարնում:

Նախ՝ պիտի սպասեին, որ նա ասեր. «Նա Աստծո Որդին է»: Պետրոսը խոստովանում է. «Դու կենդանի Աստծո Որդին ես» (Հովհ. Ա 49): Մարթան բացականչում է. «Տեր, ես հավատում եմ, որ դու ես Որդին Աստծո» (Հովհ. ԺԱ 27): Դեւերը թողնում են հիվանդներին՝ բարձր գոչելով. «Դու ես Աստծո Որդին» (Դուկ. Դ 41, Մարկ. Գ 11): Ավետարաններում ամենուր, որտեղ մի նախադասություն մեջ բառը գտնվում է շեշտված *դու* դերանվան ու *ես* բայի հետ, ամենուր, որտեղ կա դավանանք առ Աստծո Որդի Հիսուսին, առկա է *Ո* որոշյալ հոդը:

Երբ հարյուրապետը խոսում է, Հիսուսն արդեն մահացել էր: Ուրեմն՝ այդ սպան այլեւս չի կարող դիմել Նրան: Նա իր նախադասությունը պիտի ձեակերպի երրորդ դեմքով. «Այս մարդը...»: Եթե նա խոսեր ինչպէս Պետրոսը, Մարթան, Նաթանայելը, միթէ չպիտի դներ որոշյալ հոդ: Արդ, այն բացակայում է:

Երբ այդ հոդը դրվում է, դավանանքն արտահայտում է մի իրականացած սպասում. Հիսուսը «նա է, ով պետք է գա».— ճշգրտում է Մարթան, «Քրիստոս»,— ասում են Պետրոսն ու Մարթան, «Իսրայելի թագավորը»,— ավելացնում է Նաթանայելը: Այդ հավատացյալները հույս էին տածում Փրկչի գալստյան հանդէպ: Եվ ահա, Քրիստոսի մեջ նրանց բաղձանքն իրականանում է: Նրանք այլեւս կարիք չունեն մեկ ուրիշին սպասելու...

Հարյուրապետի՝ առանց հոգի արտասանած բառը մի նոր երանգ է ստանում: Այն այլեւս չի մշանակում մարդ, այլ նկարագրում է նրա հատկությունները: Սահմանում է նրա լինելու ու գործելու մտածում, խոսում, գործում է որդիաբար կամ աստվածորեն, որպէս մեկը, ով ունի Աստծո Որդու հատկություն: Այլեւս խոսք չկա ո՛չ սպասման, ո՛չ խնդրանքի կատարման մասին: Մենք բոլորովին այլ տեղանքում ենք: «Աստվածավախը» չէ, որ խոսում է այստեղ. այդ մարդը գալիս է հեթանոս աշխարհից:

Մեր դիտարկումը ճշգրտվում է մի երկրորդ նկատառումով: Պիտի սպասեինք, որ ասվեր. «Այս մարդը Աստծո Որդին է»: Պողոսը Դամասկոսում քարոզում է, «որ Հիսուսը Աստծո Որդին է» (Գործք. Թ 20): Հովհաննէսի առաջին թուղթը խոստանում է Աստծո հետ հաղորդություն բոլոր նրանց, ովքեր դավանում են, որ «Հիսուս Աստծո Որդին է»: «Նա, ով հավատում է, որ Հիսուսը Աստծո Որդին է, աշխարհի հաղթողն է» (Ա Հովհ. Դ 15, Ե 5):

Այդ առաքյալները եւ բոլոր նրանք, ովքեր հավատում ու դավանում են նրանց նման, ապրում են Քրիստոսի մահվանից հետո: Իր ազդարարության պահին հարյուրապետը նույն իրավիճակում է, ինչ նրանք: Եթե նա խոսեր ինչպէս Պողոսը, Հովհաննէսն ու մյուսները, արդյո՞ք իր նախադասությունը չպիտի



կազմեր ներկա ժամանակով: Բայց տեսնում ենք, որ այն անցյալով է:

Քրիստոսի մահվան պահին չարագործը հավաստել էր, որ Հիսուս գալու է իր թագավորությամբ: Այդ «հիշիլ ինձ»-ը արդեն լի է քրիստոնյաների՝ իրենց Տիրոջ հարության հանդէպ հավատքով: Հիսուս Քրիստոսը միայն չի ապրում. նա Կենդանի է, կյանքի Իշխանն է, կյանքի Հաջը, հենց ինքը Կյանքն է...

Հարյուրապետի կողմից դրվելով անցյալով՝ նախադասությունը արմատապես փոխում է իր իմաստը: Խաղը խաղարկված է: Ամեն ինչ վերջացած է: Մարդկային կյանքն ավարտվում է այն ամենով, ինչն անշրջելի է մահվան մեջ: Այլեւս միջոց չկա դրանից դուրս գալու: Հոգեվարքը գեղեցիկ էր. դրա մասին դեռ կխոսեն: Բայց դա չեն կարող անել այլ կերպ, քան ոգեկոչելով տխուր հիշողություններ, քանի որ այդ ամենը պատկանում է արդեն ընդմիշտ անցած մի ժամանակաշրջանի:

Անցյալ անկատարը դավանանքը գրկել է դրա քրիստոնեական բնույթից: Այդ մարդը հավատքի մարդ չէ:

Բառերը, որոնցով Դուկասը հաղորդում է հեթանոս սպայի վկայությունը, գալիս են հաստատելու մեր նկատառումը: Ըստ երրորդ ավետարանի՝ հարյուրապետն ասել է. «Իրոք որ այս մարդն արդար էր»: Այստեղ էլ որոշյալ հոդը չկա: Արդ, Պետրոսը Հոգեգալստյան իր քարոզի մեջ մեղադրում է. «Բայց դուք ուրացաք այն Սրբին ու Արդարին» (Գործք Գ 14): Ստեփանոսն առաքյալներ է անվանում «նրանց, ովքեր նախօրոք ազդարարում էին Արդարի գալուստը» (Գործք Ե 52): Դամասկոսում Ամանիան ասում է Պողոսին. «Մեր հայրերի Աստվածը նախ քեզ ընտրեց, որ Արդարին տեսնես» (Գործք ԻԲ 14): «Արդար» ասելով, որը որոշյալ հոդով է դրված, Ամանիան, Ստեփանոսը, Պետրոսը նկատի ունեն Հիսուսին: Արդարեւ, այդ անվան տակ հրեաները սպասում էին իրենց Օծյալին: Միթէ Աստված չէր ասել. «Դավթի շառավղից ես արդարության սերմ պիտի բուսցնեմ»: Երեմիա ԼԳ 15-ի այս հատվածը հաստատում էր ժողովարանի կողմից. «Այս օրերին... ես արդարության Օծյալին կոչեմ»: Բանն այն է, որ նա կատարելու է աստվածային կամքը ու այն իրականացնելու է ամեն տեղ, ուր Օծյալն իրավունք ունի՝ որպէս «Արդար»:

Արդ, մեր հարյուրապետի խոսքերն այդ Արդարին չեն ուղղված: Հոգը բացակայում է Հարյուրապետը ի դեմս Հիսուսի չի տեսնում իր երազանքների կերպարին: Նա պարզապէս նկարագրում է, թէ ինչպիսին է այն մարդը, որին ինքը հսկում է. նա ամենդ է: Նա ոչ մի վատ բան չի արել: Նրա տեղը խաչի վրա չէ: Եթե նա այնտեղ է գտնվում, ապա ուրիշի մեղքով: ➔ էջ 7, 8

ՀԱՐՅՈՒՐԱՊԵՏԸ


Վաթսուռականների արձակագիրներ. Ժամանակը եւ հերոսը

← էջ 4

Իրականում ու երեւակայական միախառնվում են մաեւ «Փառահամար», «Բոլերո», «Յեքիաթ» պատմվածքներում:

Գեղարվեստական այս նախասիրության համար կա անցյալի փորձը: Չարենցը մի շարք գործեր ունի երազների ու զառանցանքների մասին: Տեսիլներն ու մտապատրանքներն անպակաս էին մաեւ 20-րդ դարասկզբի հայ պոեզիայից: Չգայախաբությունների երանելի հեքիաթը հորինեց Գաբրիել Գարսիա Մարկեսը եւ այն համարեց գերբնական իրապաշտություն, որ այլ բան չէ, քան մոգական իրապաշտությունը: Այվազյանը, ահա, այս ոլորտում է, եւ նրա ստեղծագործությունները պետք է դիտարկել այս շրջանակում:

Այս տեսանկյունից քննելով՝ որոշ չափով անսովոր է մաեւ «Թիֆլիսի ցուցանակները» պատմվածքի հերոսի՝ Գրիգորի կերպարը: Նա անչափ բաց ու անկեղծ մարդ է, եւ նրան թվում է, թե դա է մարդու բնական ձեւը: Գուցեէլ դա այդպես է: Հեղինակն այսպես է ներկայացնում իր հերոսին. «Բաց էր Գրիգորը, ասում էր ամեն ինչ, հարցնում էր ամեն ինչ: Պատմում էր իր կասկածների մասին, քերում-համում էր իր ներսը եւ ցույց տալիս... Վերջում, երբ նրան թվում էր, որ դիմացինն իրեն լավ գիտի, Գրիգորը այդ դիմացինին՝ ուրիշին իր ներսն էր տանում, որ մա տնօրինի



այնտեղ: Տարօրինակ մի բան գիտեր Գրիգորը. եթե ինքը չանկեղծանա, չբացի իր թուլությունները, իր վախերը, իր հավատը, իր տգեղությունը, ապա ինքը չի ապրի: Թաքցնել իր իսկական զգացածը՝ ցավը, ուրախությունները, պոռթկումը, անօգուտ խոսքը, վախը, նշանակում է թաքցնել իրեն եւ ստեղծել մի ուրիշ մարդ իր փոխարեն: Այդ մարդը միայն թվացող է, ուրիշների աչքի համար պատրանք, թղթից շինած... Իսկ ինքն ուղղակի չի ապրի: Ու դրա համար Գրիգորը պահանջ էր զգում ներքին ճշմարտության. դա միակ փաստն էր նրա գոյության»: Գրիգորը ցանկանում է ոչ միայն ինքն իր մեջ լինել այն, ինչ կա իրականում

մում, այլ այդպես ներկայանալ շրջապատին, իրեն խորթ դիմակներ չկրել, չծամառնել սեփական լինելության կերպը: Գրիգորի այս խառնվածքն անչափ բնական է ու ճիշտ, բայցեւ անսովոր, որովհետեւ միայն մա է այդպիսին: Գրիգորի անկեղծությունը ջերմացնում էր մարդկանց, իսկ երբ մա մեկուսանում է Թիֆլիսից, քաղաքի վրա ասես իջնում է անտարբեր ու առաջ մի գորշություն, եւ մարդիկ կարծես օտարանում են իրար: Քաղաքին պակասում էր բոլորին միավորող Գրիգորի անկեղծությունը:

Տարբեր խառնվածքի մարդկանց քիչ անսովոր, քիչ տարօրինակ հատկանիշերով Այվազյանը կարողանում է հետաքրքրական իրավիճակներ ստեղծել: Նրա համար կարեւորը պատմությունները, դեպքերի ընթացքն ու նկարագրությունները չեն, այլ այդ առիթներով արված դիտարկումները, թափանցումները, բացահայտումները, խորացումները, ճեղքումները, այնքան, մինչեւ հասնի միջուկին: Այս առումով իրական հերոսներ մա չի ստեղծում: Դրանք մտացածին գրական կերպարներ են, որոնք չեն կարող ապրել ինքնավար կյանքով,

այլ միայն հեղինակի խոհերի մեջ եւ առաջին հերթին այդ խոհերի կրողներն են՝ որպես հեղինակի ներքին ուրվատեսլային փոխակերպությունների արտահայտություն:

Նաեւ պահի, վիճակի բանաստեղծական ընկալում ունի Այվազյանը, մա ներկայացնում է հոգեբանական որեւէ վիճակ, վերարտադրում տվյալ իրադրության կամ վիճակի պոեզիան եւ ստեղծում համապատասխան զգացողության տեղ հերոսներ: Այս առումով առանձնանում է «Բոլերո»-ն: Ամբիջապես ներկայացումից հետո բալետի պարուհիները հավաքվել են մշտլու իրենց գործընկերոջ 70-ամյակը: Բոլորը կանայք են: Միայն դիմահարդարն է իր հետ բերել «հերթական» տղամարդուն՝ Ադամին: Եվ ահա այդ տղամարդու ներկայությունը բոլոր կանանց ներսում մտքեր ու գրգիռներ է առաջացնում, նրանց մեջ կենդանացնում վաղուց մեռած պոեզիան եւ ներքին բռնկումներ ստեղծում: Ադամի, այսինքն՝ Տղամարդու մեջ պարուհիները կորած, չգտնված ու որոնած սեր են տեսնում: Պատմվածքում այլեւս ոչ մի գործողություն չկա: Ադամն է եւ պարուհիները: Ամեն մեկը փորձում է Ադամին ձեւել ըստ իր ճանաչած որեւէ տղամարդու պատկերացման: Սակայն Ադամը ոչ ոքի չի մմանվում: Ադամը գեղեցիկ է, ինչպես իրենց պատկերացումները կատարյալ տղամարդու մասին: ➔ էջ 8

Մեծ եղեռնի արձագանքներն ու վավերագրությունը «Հայաստան» պարբերականի էջերում...

← էջ 5

Կանցնիմք Սանսա-Տերեսին, ուր Եփրատը կով տուաւ հազարաւոր հայ զինորդներ եւ շատ դերջանցիներ թրքական զնդակներէն եւ յաթաղանէն հալածական: Այժմ տասնեակ հազար զոհերու աղէխարշ եւ սրտաճմլիկ պատմություններով Եփրատը կը գալարուի միշտ դէպի առաջ մոր զոհեր խելու երգնկայի Կամխայ եւ հարբերող դաշտերէն անցնող գաղթականներէն» («Հայաստան», 1917 թ., թիվ 106):

Նամակ-ակնարկի ավարտին գծագրվում է Երզնկան. փողոցներն ամայի, տները քարուքանդ, ավերակների իսկական համայնապատկեր... «Տարրերը եւ փախստականները» հողվածում քննության է առնվում Բաղդադում եւ նրան կից շրջակայքում պատսպարված հայ կանանց ու երեխաների վիճակը՝ մշտլով, որ ամենագովելի գործը, «որ առաջ տարվելու վրայ է հիմա Պողոտատի մէջ, ջարդերէն ազատուած հայ կիներու եւ երեխաներու ազատագրութիւնն է» («Հայաստան», 1917 թ., թիվ 107): Բազմաթիվ հայ երիտասարդ կանայք բացահայտվում են մահմեդական ընտանիքների եւ ապաստարանների միջից եւ հանդիպում են շատ երեխաներ, որոնք իրենց որդեգրող ընտանիքներում «մնացեր էին մէկ կամ աւելի տարիներ եւ մոռցեր էին իրենց մայրենի լեզուն» (նույն տեղում):

Նոր ազատված գաղթականների մասին մանրմասնվում է Խնուսից ուղարկված ակնարկաշարում: Նրանք՝ 108 անձ, 1917 թ. օգոստոսի 30-ին հասել են Խնուս՝ սովից եւ երկարատեւ ճանապարհային երթից բոլորն էլ հյուծված ու ուժասպառ: Այն աստիճանի տկարացած են, որ ոտքի վրա կանգնելու կամ նստելու անընդունակ են, ամբողջ օրը պառկած են խոտի վրա: Ըստ հասած տեղեկությունների՝ նրանք «ամբողջ երկու տարի ապրեր են վայրենի բանջարներով, սովը եւ տարափոխիկ հիւանդութիւնները հազարաւոր կեանք են խլել իրենց շարքերէն» (նույն տեղում):

«Հայրենի մամականին» տեղեկություններ էր հաղորդում մաեւ Եկեղիքի գյուղերի վերաբերյալ: Նամակագիրը գրում է. «Մէկիկ-մէկիկ կայցելեմ գիւղերը... ամայի, քայքայուած եւ այլակերպ: Ո՛չ քացուորը կայ դաշտերը եւ ո՛չ մակատեղիները՝ ուր հարիւրաւոր հարսներ, աղջիկներ սիթիկներով կը փութային կաթ կթելու: Ո՛չ դպրոցականներու երգ ու պարը կան եւ ո՛չ զանգակներու ղողանջը» (նույն տեղում):

Տպավորությունն ու զգացողությունն այն աստիճանի սոսկալի ու հրեշավոր են, որ մարդ ակամայից «կը սոսկայ, կը կարծէ, որ սխալ տեղ եկած է, ուր մարդկային ոտքը տա-

կալին ոտք կոխած չէ, եւ ուր օձերն ու գազանները հիմա պիտի յօշոտեն քեզ: Բոլոր գիւղերը մոյն վիճակին են» («Հայաստան», 1917 թ., թիվ 110):

Թերթում մույն այս ակնարկային ոճով ու տրամաբանությամբ տեղեկություններ կան Կեսարիայի հայության ջարդերի եւ կոտորածների վերաբերյալ: Տարբեր վայրերում կատարվածը տարբեր ակամատեսների վկայություններով նույնանում է: Այո, թուրք ջարդարարության, ալան-թալանի թուրքական ձեռագիրն ու ոճը մույնն են ամեն տեղ, ամենուրեք:

Եվ դա առաջինը փաստել են սույն ականատեսներն ու վերապրողները՝ մինչ պատմաբաններն ու հետազոտողները դա կանեին ու կապացուցեին գիտականորեն՝ գիտական ուղիներով եւ մեթոդներով: Ահա այսպես ականատեսը՝ կեսարացի Մելքոն Մյուվուկլյանը, փաստեր է ներկայացնում Կեսարիայի հայության ապրած ողբերգության վերաբերյալ: 1915 թ. թուրքական իշխանությունները խաբեությամբ ու ուխտադրոհներով հավաքեցին հայերի մոտ եղած դրամական ու նյութական միջոցները: Ապա իշխանությունները իրահանգում են հավաքել հայերի մոտ եղած գէնքն ու ռազմամթերքը: Հայերը, երբ հայտնում են, որ գէնք չունեն իրենց մոտ պահած կամ թաքցրած, դա պատրվակ է հանդիսանում թուրք ռազմական պատասխանությունների համար բոլոր հայ տղամարդկանց բանտարկելու: Ապա հայերին «սկսեցին ենթարկել զանազան դժոխային չարչարանների, զամում էին ոտքն ու ձեռքերը տախտակների վրայ, դանակով կտրատում էին նրանց մարմնի զանազան մասերը եւ մէջը աղ լցնում, որպէսզի նրանք ասէին իրենց գէնքերի պահեստների մասին» («Հայաստան», 1917 թ., թիվ 110): Եվ երբ փարատվում են իշխանությունների կասկածները՝ հայերի զինված լինելու վերաբերյալ, նրանք ձերբակալում են երիտասարդներին եւ առանձին-առանձին խմբերով տանում «անորոշ ուղղութիւններով», իսկ «... նախապատրաստած թիւրք խուժանը զինուած սպասում էր նրանց կիրճերում եւ արահետներում, ուր եւ երիտասարդութեան բոլորովին մերկացնելուց յետոյ կտորում եւ դիակները թափում էին բաց երկնքի տակ» (նույն տեղում):

Եվ երբ երիտասարդությունը կոտորվել էր արդեն, սկսվում է ժողովրդի մնացած հատվածների տեղահանությունը՝ Հայկաի ուղղությամբ, ուր է «թիւրք կանոնաւոր զօրքի հետ պաշիպօզուկների խուժանը սպասում էր նրանց բնաջնջելու: Առ այդ սկսուեց առեւանգումը գեղեցիկ կանանց եւ աղջիկների եւ



փոքր երեխաների, իսկ մնացեալ ժողովուրդը մասսայական կերպով ենթարկուեց կոտորածի» (նույն տեղում):

Ահա եղեռնի իրագործման թուրքական հաշվարկն ու կազմաբանությունը: Թերթում ակնարկներ էին տպագրվում Արեւմտահայաստանի գրեթե բոլոր գավառների վերաբերյալ, նկարագրվում նրանցում մահաբեր տարիներին տեղի ունեցածը, տեղեկություններ հաղորդում ներկա վիճակի մասին: Այս առումով «Հայաստանը» առաջինն ստեղծեց ու կազմավորեց Մեծ եղեռնի վերաբերյալ ամբողջական վավերագրությունը, որն արժանահավատ էր, քանզի լիովին հիմնված էր ականատեսների խոսքերի ու վկայությունների վրա:

Բացի եղեռնի վավերագրությունից՝ թերթը մշտապես տեղեկություններ էր հաղորդում գաղթականների տեղաշարժի, նրանց կացության վերաբերյալ: Հաճախակի էին ակնարկներն ու անդրադարձերը որբերի կացության ու խնամքի, որբանոցներում տիրող իրավիճակի մասին:

«Թրքահայերը հայրենիքէն դուրս» խորագրով տեղեկություններ էին հաղորդում Ռուսաստանի եւ այլ երկրների տարբեր քաղաքներում ապաստան գտած արեւմտահայերի եւ նրանց կազմավորած հայրենակցական միությունների գործունեության վերաբերյալ: Հաճախ էին արեւմտահայ փախստականներն ու տեղի հայ հայրենաստներն արդյունավետ համագործակցություն ծավալում: Օրինակ՝ Խարկովում «...տեղույս եւ տաճկահայ երիտասարդութեան գործունեութեան նշանաբանը եղած է ամեն բանէ առաջ փլատակուած հայրենիքի վերաշինութեան ծառայել, սովալլուկ մանուկներին խնամել,

անօթիին հաց եւ մերկին զգեստ տալ» («Հայաստան», 1917 թ., թիվ 107):

Այսպիսով ինչպես ակներեւ է վերոնշյալ շարադրանքից, «Հայաստան» պարբերականը, որը պատմական ասպարեզ եկավ եղեռնից անմիջապես հետո, բնականաբար բացառապես պիտի զբաղվեր այդ կոտորված ու հայրենագրկված ժողովրդի կարիքներով՝ իր էջերում ամրագրելով մաեւ Մեծ եղեռնի վավերագրությունը:

1917 թ. օգոստոսի 23-ին Կարապետ Մանուկյանի ստորագրությամբ «Մեռելոց» ակնարկն ազդարարում էր, որ հոն «չկայ շիրիմներ եւ ոչ ալ տապանաքարեր, ասոնց փոխարէն ընդարձակ տարածութիւնների վրայ տեղ տեղ կը տեսնեն կմախկացած զանգեր, հողէն դուրս ցցունած հազարաւոր սրունքներու եւ բազուկներու ոսկորներ, կը դիտեն եւ պահ մը աչքերս կը զոցեն... Եւ ահա ասոնց եղեռնի յուշարձանը որ այս փշրուն զանկերէն ձեռակերտուած եւ արիւն-արցունքի շաղախով թրծուած է, աչքիս առջեւ կը պատկերանայ «Մեծ եղեռնի զոհեր» տապանագրով» («Հայաստան», 1917 թ., թիվ 101):

Այո, մինչ մեր ժողովրդի հիշողությունը հուշարձան կդառնար Ծիծեռնակաբերդում եւ թրի մման կմխրճվեր երկինք, եղեռնից երկու տարի անց այն հոգեւոր ու բարոյական հուշարձան դարձավ զորավար Անդրանիկի կողմից հիմնադրված «Հայաստան» պարբերականի էջերում՝ որպես զգուշացում, տագնապ ու ճիչ, մաեւ մախատինք՝ ուղղված հանուր մարդկությանը:

Արմեն ԿԱՐԱՊԵՏՅԱՆ
Պատմական գիտ. թեկնածու

ՄԱՐԿ ԿՈՐԼԵՐ



← էջ 5

Ուստի՝ ամեն դեպքում մի ընդհանուր բան կա Մատթեոսի ու Մարկոսի «Աստծո որդի» եւ Ղուկասի «Արդար» արտահայտությունների միջեւ. դրանցից եւ ոչ մեկը քրիստոնեական դավանանք չեն ձեւավորում: Մարդը, որ խոսում է, հեթանոս է: Նա խոսում է որպես հեթանոս, սակայն նա հասկացել է որոշ բաներ:

Քրիստոսի արյունը բացում է նրա աչքերը: Նա սկսում է տեսնել ու տեսողություն է վերադարձնում ուրիշներին: Սենթ Գալի ավետարանը՝ 7-րդ դարի իռլանդական արվեստի հոյակապ գործը, դա արտահայտում է պատկերագրությամբ. Հիսուսը խաչի վրա է՝ փաթաթված հաստ սավանով: Նրա ծակված կողից արյան մի բարակ շիթ է ցայտում, որը լցվում է կույր հարյուրապետի աչքերի մեջ ու ապաքինում նրան իր կուրությունից: Նման

պատկերացման մեջ կա ճշմարտության մասնիկ: Հարյուրապետը հետեւել է Հիսուսի հոգեվարքին: Այդ մահը նրան ցնցել է. այն բացել է իր աչքերը: Ի՞նչ է նա տեսել: Ինչի՞ մասին է հաշիվ տվել իրեն:

Ավետարանիչները, որոնք հիշատակում են հարյուրապետին (Մատթեոս, Մարկոս, Ղուկաս) տարբեր կարծիքներ են հայտնում նրա միջամտության մասին: Մատթեոսը կարծում է, որ գերբնական երեւոյթները, որ ուղեկցում են հոգեվարքին, այդ սպային դրդեցին խոսել: Մարկոսն այդ խոսքերը վերագրում է Հիսուսի արագահաս մահվանը կամ նրա վերջին անձկալի բացականչությանը: Ղուկասի համար հարյուրապետի խոսքերը կապված են այն ամենի հետ, ինչը նա ապրեց իր հսկումի՝ այդքան երկար ժամերի ընթացքում: Այսպիսով՝ այդ մարդն ազդված էր ինչպես մահապատժի հանգամանքներից, այնպես էլ դատապարտյալի վարվելակերպից:

Հանգամանքները. երկիրը դողում է, գերեզմաններն ու Տաճարը երերում են, արեւն անհետանում է, ու խավարը պատում է ամեն ինչ: Բնությունն ինքն է միջամտում: Միթե դա այն բանի նշանը չէ, որ մահապարտը մի էակ է, որի ճակատագիրը կապված է աստվածների ճակատագրին: Հնադարում ասում էին, որ աստվածային բնույթ ունեցող մարդկանց մահը շրջապատված է հրաշքներով: Իր տարրերը շղթայազերծելով՝ բնությունն արժանին է հատուցում, ու բնության արտառոց երեւոյթները խորապես ցնցում են սպայի երեւակայությունը: Մարդկանց կողմից ծեծված, մերկացված, խաչված այդ Հիսուսն այլեւս չի կարող պատահական մեկը լինել:

Եվ հարյուրապետը կենտրոնանում է Հիսուսի վարվելակերպի վրա: Հիշում է, թե ինչպես նա հրաժարվեց արքեպիսկոպոսի պաշտոնից, որ երուսաղեմի կանանց մի խումբ պատրաստում էր ցավերը մեղմելու համար: Հիսուսը հրաժարվեց այդ ցավազրկող միջոցից: Դա արդյո՞ք չէր նշանակում համաձայնել ընդունելու տառապանքը...

Մեկը տառապանքը... Հարյուրապետը հիշում է այն ծանր պահը, երբ Հիսուսը խաչվեց ու բարձրացվեց պան վրա, ինչպես առագաստը՝ կայմի: Սովորաբար զոհերը գոռում էին, ծառս լինում, կծում, աքացի տալիս, հայիոյանքներ ու անեծքներ տեղում դահիճների գլխին: Բայց Հիսուսը ծայր չհանեց: Նա զինվորներին մաշում էր բարությամբ, ասես նրանց ցույց տալու համար, որ ինքը չի բարկանում նրանց վրա: Այնուհետեւ խաչ բարձրանալով՝ նա չի պարփակվում ինքն իր մեջ: Ծաղրի ենթարկվելով ամեն կողմից՝ նա մնում է բաց ուրիշների տառապանքի համոզեալ: Նա կարեկցանքով է նայում դժբախտության իր ուղեկիցներին: Հարյուրապետը չի կարող իր հայացքը հեռացնել: Նա տեսնում է Հիսուսի սառնարյունությունն ու պայծառատեսությունը: Զգում է նրա մեղմությունն ու հանգստությունը: Նա տեսնում է՝ հանուն ուրիշի այդ պատրաստակամությունը ամենամեծ փորձության մեջ: Հարյուրապետը դառնում է հնազանդ՝ խաչի առաջ:

Հիսուսը մեռնում է: Այդժամ հարյուրապետը դուրս է գալիս իր կլանվածության վիճակից: Նա ասում է այն, ինչը հենց նոր էր հասկացել. այդ Հիսուսը խաչ բարձրացավ առանց պայքարի: Նա ինչ-որ ծրագիր ուներ. նա հնազանդվում էր: Նա հրամաններ էր ստացել ու դրանք կիսառեւանք մեջ էր դնում: Նա այստեղ էր մի առաքելությամբ, որը ղեկավարվում էր: Այդ հոգեվարքի վերելում սավառնում էր մի կամք, որի պտուղն էր այդ խաչը: Մահվանը ենթարկվելով՝ Հիսուսը մահն էր դատապարտում:

Հռոմենական բանակի հարյուրապետը գիտի՝ ինչ է կարգապահությունը: Փորձը նրան սովորեցրել է, թե ինչ բան է ղեկավարի իշխանությունը: Նա կարող է դրան ենթարկվել առանց այլեայլության: «Քանզի ես էլ իշխանության տակ դրված մի մարդ եմ ու հրամանիս տակ զինվորներ ունեմ: Սրան ասում եմ՝ «Գնա», ու նա գնում է, իսկ մյուսին՝ «Եկ», ու նա գալիս է, իսկ ծառայիս՝ «Արա՛ այս բանը,

ու նա անում է»: Ահա ինչու Հիսուսն արդար է, այսինքն՝ անշահախնդիր ու շիտակ: Ահա ինչու նա Որդին է Աստծո, այսինքն՝ քաջ է որպես հերոս. նա հնազանդվում է:

Հիմա մեզ համար կատարվում է մի արտակարգ բան. հարյուրապետի վկայությունը, որը շատ հեռու էր թվում քրիստոնեական ամեն մի դավանանքից, մոտենում է դրան: Առանց դա իմանալու՝ այդ հեթանոսն արտահայտում է այն բանի էությունը, ինչն Աստվածընչի մարդիկ դրել են «Արդարը» եւ «Որդին Աստծո» բառերի մեջ: Քանզի «արդար» բառը խորքային իմաստով նշանակում է «Հիսուսի աստվածվածությունը, որը միայն մեկ նպատակ ունի՝ կատարել Աստծո կամքը», եւ «այն, ինչը բնութագրում է Աստծո Որդուն, դա նրա ընտրյալ լինելու փաստն է՝ կատարելու համար աստվածային մի հատուկ առաքելություն, ինչպես եւ Աստծո կոչին ճշտգորտորեն հնազանդվելու փաստը»: Երկու տիտղոսներն էլ բնորոշում են Օծյալին՝ իր հնազանդության մեջ. իր համար բացահայտելով Հիսուսի հնազանդությունը՝ հարյուրապետը նրա մեջ տեսնում է Օծյալին:

Բայց «Աստծո Որդի» տիտղոսն Աստվածաշնչում մեկ ուրիշ իմաստ էլ ունի: Եթե Հիսուսը հնազանդվում է Աստծուն, ապա նրանից ստանում է պայծառատեսություն ու զորություն: Որդիաբար ենթարկվելով երկնային Հորը՝ Հիսուսը միացավ է Աստծուն մի խորհրդավոր ու անարտահայտելի եղանակով: Նրանց միջեւ մի անտակ խորության հաղորդակցություն տեղի ունի, որ Հիսուսն արտահայտում է այս բաներով. «Ոչ ոք չի ճանաչում Որդուն, եթե ոչ Հայրը, ու ոչ ոք չի ճանաչում Հորը, եթե ոչ Որդին...» (Մատթ. Ժ 27): «Ես Հոր մեջ եմ, ու Հայրն իմ մեջ է: Ով ինձ տեսավ, Հորս տեսավ: Հայրս ու ես մեկ ենք» (Հովհ. Ժ 30, ԺԳ 9, ԺԴ 10): Հիսուս Քրիստոսի մեջ Աստված Ինքն է, որ գործում է: Նա է առաջնորդում: Նա է թագավորում: Այդ տիտղոսը, որ նշում է Որդու ցածրացումը, ցույց է տալիս նաեւ Նրա հզորությունն ու փառքը: ➔ էջ 8

Գիտատեխնիկական առաջընթացի հետեւանքների բիոէթիկական ուսումնասիրության հիմնահարցեր

← էջ 3

Այդ իսկ պատճառով այսօր հարցն այն է, թե ինչպես փոխել մարդուն, նրա բարոյական նկարագիրը, ապրելակերպը՝ կոնֆլիկտի մեջ չմտնելով մարդկային այլ հանրույթների հետ:

Այս հարցերին ուղղված փիլիսոփայական խորհրդածություններում հնչում է բարձրագույն հոգեւորի հավերժական կոչը. չէ՞ որ կյանքի եւ մահվան, կեցության եւ ոչ կեցության, մարդու եւ բնության, կյանքի եւ համակեցության քաղաքակրթական ընդհանուր մոտեցումները մեր դաշնակցման խնդիրները մարդկանց հոգեւոր որոնումների հավերժական փիլիսոփայական պրոբլեմատիկան են: Նշենք, որ «հավերժական» բառը տվյալ ենթատեքստում նշանակում է ոչ թե ինչ-որ կենսական արժեք-խորհրդի արտաժամանակային անփոփոխ վիճակ, այլ միայն այն, որ յուրաքանչյուր կոնկրետ պատասխանի հետ այդ հարցերը ստանում են տարբեր ձեակերպումներ:

Այ՛ր, մարդկությունն իր զարգացման տեմպերով հասել է մի այնպիսի սահմանի, որ երկրի վրա նրա ապագա գոյությունը դարձել է խնդրահարույց: Եթե մախկնում գիտության մեջ որեւէ հայտնագործության եւ նրա պրակտիկ կիրառման գործընթացը տարիներ էր տեւում, ապա այսօր ամիսների կամ մոյսիսկ շաբաթների ու օրերի հարց է:

Տեխնիկայի, տեխնոլոգիաների եւ գիտության զարգացման այս արագընթաց տեմպերին զուգահեռ, ցավոք, արագացել են նաեւ մարդկության բարոյական անկման տեմպերը... Պարզ է դարձել, որ գիտության առաջընթացը որոշ իմաստով խոչընդոտում է մարդու երջանկությանն ու ներդաշնակությանը: Ինչ խոսք, այսօրվա մարդու կենցաղային հոգսերը թեթեւացել են, նա հավատում է տեխնիկայի զորությանը, եւ ունանց կարծիքով՝ դա միակ բանն է, որին նա հավատում է: Մարդը հիացած է իր ողջ կյանքը հեշտացրած տեխնիկայի հզորությամբ: Նա ինքն է այն ստեղծել, եւ դա իր հանձարի, բանականության, հնա-

րամտության արդյունքն է, իր մտքի զավակը (Мишаткина Т. В. и др., «Биомедицинская этика», Минск, 2003):

Մակայն մարդուն այսօր չի հաջողվում կառավարել, իսկել, տիրապետել իր ստեղծածի արդյունքները: Տեխնիկան երբեմն մարդուց ավելի ուժեղ է՝ նրան իրեն ենթարկելով: Այն այսօրվա մարդու ամենամեծ հրապուրանքն է, բայց հենց դա էլ մարդուն պատճառում է ցավ եւ հիասթափություն, թուլացնում նրա հոգեկան աշխարհը, սպառնում կործանմամբ, ինչպես դա ընդգծում են մեր դարաշրջանի խոշոր մտածողները՝ Կարլ Յասպերսը, Սեմյոն Ֆրանկը, Նիկոլայ Բերդյաևը, Ալեքսանդր Ֆիլիպոն, Մարտ Նոտտը եւ այլք:

Գիտության ու տեխնիկայի անմախաղեպ հաջողությունները ոչ միշտ են օգնում մարդկությանը հուզող խնդիրները լուծելու գործում, ավելին՝ ինչ-որ չափով նաեւ հանգեցնում են ճգնաժամերի խորացմանը:

Եթե մախկնում մարդիկ միավորվել են, ստեղծել մշակույթ, որ իրենց պաշտպանեն բնության հզոր ազդեցությունից, ապա այսօր առկա է հակառակ գործընթացը. մարդիկ համախմբվում են, միավորվում, որ պաշտպանեն իրենց՝ իրենց իսկ ստեղծած մշակույթի գերհզոր ազդեցությունից:

Այս ամենի կարելու պատճառներից մեկը հոգեւոր առաջընթացի բացակայությունն է. գիտության, տեխնիկայի, տեխնոլոգիաների զարգացման եւ մարդու հոգեւոր անկման միջեւ որոշակի կապ է հաստատվել: Այսպիսի պայմաններում գիտատեխնիկական բոլոր ձեռքբերումները (այդ թվում նաեւ բժշկագիտության) առաջադրում են այնպիսի խնդիրներ, որոնք կարիք ունեն մանրակրկիտ վերլուծումների՝ ըստ մարդաբանական եւ բարոյագիտական ըմբռնումների: Այստեղ արմատական չափամիջ պետք է լինեն մարդու հոգեմտավոր ամբողջության պահպանումն ու առաջընթացը:

Այ՛ր, գիտության առաջընթացն ունի իր դրական կողմերը, սակայն դրանք համեմատելի չեն այն պայթյունավտանգ իրավիճակ-

ների հետ, որին ապագայում կարող է բախվել մարդկությունը: Նա պարտավոր է վերահսկել տեխնոլոգիաների առաջընթացը՝ պահելով այն բարոյական սահմաններում:

Մարդկության կործանման վտանգը մտահոգում է ոչ միայն հումանիստ գիտնականներին, այլեւ արվեստագետներին ու մտավորականներին:

*Իմ չլինելուց ես չեմ վախենում
Ես չեմ վախենում իմ բաժին մահից,
Մակայն ծնվենես դողում եմ անվերջ
Մեր հոգնահամճար, բայց խեղճ ու անճար
Այս մոլորակի
Անվախճանության
Վախճանի ահից:*

Համո Սահյան

1998 թ. հունվարի 12-ին Փարիզում ստորագրվեց մարդու կենսաբանական պլանավորումը (արհեստական մարդու ստեղծումը) արգելող միջազգային արձանագրություն: Դրան մասնակցել են եվրոպական 19 երկրի ներկայացուցիչներ: Ֆրանսիայի նախագահ ժակ Շիրակն այդ առթիվ մաղթել է, որ համաշխարհային մակարդակով արգելվի «մարդու պլանավորումն ու գենետիկ ձեռնածությունների անցկացումը», որը «կարող է հանգեցնել տագնապալի հետեւանքների» (Ս. Հ. Դավթյան, «Բիոէթիկայի ներածություն», Եր., 2012):

Իգուր չէ, որ Եվրախորհրդի կենսաբանական էթիկայի հանձնաժողովը հարկ է համարել ազգային կոմիտեների հատուկ միջազգային խորհրդաժողով հրավիրել խնդրո առարկայի շուրջ:

Մեր ժամանակի ճգնաժամն առավելապես տեխնիկայի ծնունդն է, բայց այն առաջին հերթին հոգեկան ճգնաժամ է: Տեխնիկան մարդու ձեռքն է տվել այնպիսի ուժ, որը կարող է կործանել նրան: Այն ոչ միայն հաստատում է մարդու իշխանությունը բնության նկատմամբ, այլեւ, ցավոք, մարդու կյանքի նկատմամբ: Սա նշանակում է, որ մարդը

դադարում է հայացքը հառել դեպի իր ներսը, դադարում է ճանաչել ճշմարտությունը: Ըստ հոգեւոր եւ կրոնական տեսակետի՝ այսպիսի պայմաններում կյանքի յուրաքանչյուր ակնթարթ կորցնում է իր արժեքը, կորցնում է կայն Աստծո հետ:

Մարդը չի կարողանում դիմանալ ժամանակի այսպիսի հոսքին, չի հասցնում ըմբռնել կյանքի իմաստը կամ մույնիսկ խորհել դրա մասին: «Բայց մարդն օժտված է բացառիկ ընդունակությամբ՝ վերլուծելու իր կեցությունը եւ շրջապատող իրականությունը, զգալու անարդարությունը, խուսափելու վտանգներից, իր վրա պատասխանատվություն վերցնելու, ձգտելու համագործակցել եւ բարոյական գնահատական տալ անցողաբանի, որի հիման վրա ձեւավորվում են բարոյական սկզբունքները»:

Մարդը մարդ է, քանի որ մեջ ունի Աստծո պատկերն ու սնանությունը: Իսկ դա ազատությունն էր ժողովրդական է, ազատության միջոցով բարին ու ճշմարտությունը ձանաչելու գիտակցությունը: Նրա ապագան պայմանավորված է նրանով, թե կցանկանա կամ կկարողանա արդյոք ուշքի գալ եւ իմաստավորել իր կյանքը:

Երբեւէ հնարավոր չի եղել կանգնեցնել անընդհատ զարգացող գիտության ընթացքը, եթե մույնիսկ վերահաս վտանգով է սպառնացել, ուստի մնում է խելամտորեն այն ծառայեցնել իր ճիշտ նպատակին: Ժամանակակից գիտատեխնիկական զարգացումները եւ փնտրությունները պետք է իրականացնել եւ կիրառել մարդու հոգեւոր պահանջների շրջանակներում:

Ժամանակի ընթացքում բժշկությունն ունեցել է հիմնալի հայտնագործություններ, սակայն դրանք երբեւէ բարոյական այսպիսի խառնաշփոթ, բացարձակ հակառակ, իրարամերձ կարծիքների տեղիք չեն տվել, ինչպես այսօր բիոէթիկայի խնդիրները: Այս ամենի պատճառը բժշկական տեխնոլոգիաների՝ մարդկային կյանքի կառավարման մակարդակին հասնելն է: ➔ էջ 8

Գիտատեխնիկական առաջընթացի հետևանքների բիոէթիկական ուսումնասիրության հիմնահարցեր

← էջ 3, 7

Բոլորն ենք հիշում Ա. Շվեյցերի իմաստալից խոսքը. «Արդյոք ես իրավունք ունեմ քաղելու բոլոր այն պատուհները, ինչին ձեռքս հասնում է...»: Ահա թե որն է խնդիրը, որը, կարելի է ասել, շատ ավելի բարդ է, քան Շեքսպիրի «Լիմեյ, թե՛ չլիմեյ»-ը:

Այո, չնայած հասարակական կյանքի շատ բնագավառներում արձանագրվում է առաջադիմություն, սակայն միևնույն ժամանակ հսկայական են կորուստները:

Մարդկային, համամարդկային արժեքների այլափոխումներն ու կորուստը, օգտապաշտությունը, նյութապաշտությունը, «ոգու սովը» արձագանքում են համայն աշխարհում: Այդ մասին չէ՛ արդյոք հանրահայտ քառատողը.

Ես Ձեզ ասում եմ՝ կգամ ոգու սով,
Եվ դուք կքաղցեք ճոխ սեղանի թով,
Կընկնեք մուրալու հափրած որկրով
Չրեղեն խոսքի, վեհ խոսքի կարոտ...
Ավ. Իսահակյան

Մարդկության գլխին կախված է իր իսկ ձեռքով իր ոչնչացման վտանգը: Այսօր գերիշխում է օգտապաշտական, տեխնոպաշտական, համակարգչապաշտական մտածողությունը: Զգացմունքը, խիղճը, բարոյականությունը մղված են երկրորդ պլան: Թվում է, թե 21-րդ դարի մասին էին գրում էկզիստենցիալիստները. «Այսօրվա մարդը մոլորված է, տարակուսած, շշուկած, հուսահատ, սոցալիապես անպաշտպան է, օտարված է ինքն իրենից, հասարակությունից, արհեստականորեն իրեն

պարտադրված հասարակական հարաբերությունների ներկա տիպից եւ չգիտի, թե դեպի ուր է գնում»:

Երբեւէ պատմության մեջ չեն զուգակցվել ընդդեմ մարդկության ու հանուն մարդկության սկզբունքներն ու գործելաձեւը, որքան ներկայումս:

Բայց որպես մշակված ընդհանուր իրավիճակի հակադրություն՝ մարդը, մարդու ինքնիշխանությունը, նրա իրավունքներն ավելի քան երբեւէ դարձել են տարբեր գիտությունների ու փիլիսոփայության համակողմանի ուսումնասիրության առարկա:

Պատերմալիզմը (հայրապաշտությունը) դուրս է մղվում ու ավելի ու ավելի են ընդգծվում մարդու ինքնիշխան որոշումներ կայացնելու, իր կյանքի համար վճռորոշ, կարևոր որոշումներն ինքնուրույն կայացնելու իրավունքները: Ինչպես նաև մեծացել է մարդու էության ու կեցության ուսումնասիրության, մարդաճանաչման անհրաժեշտությունը: Այս նպատակի համար օգտագործվում են նաև ժամանակակից գիտության ու տեխնիկայի հսկայական հնարավորությունները:

Ներկայումս ավելի է ընդգծվում մարդու փիլիսոփայական ուսումնասիրության անհրաժեշտությունը, ավելի են կարևորվում հումանիստական մտքի հետաքրքրությունները մարդու ներկայի ու ապագայի նկատմամբ: Այն ապագայի, որի լինել-չլինելը հարցականի տակ է:

Սուսաննա ԴԱՎԹՅԱՆ
Փիլիսոփայական գիտ. դոկտոր

Վաթսուռականների արձակագիրներ. Ժամանակը եւ հերոսը

← էջ 4, 6

Պարուհիները «նայում էին Ադամին եւ անիրական աշխարհի մեջ էին»: Այս դեպքում եւս երեսակայության ստեղծածն իրական գոյություն է ստանում: Բայց դա ոչ թե մտապատրանք է, այլ փաստացի իրականություն: Բայց նաև ինչ-որ չափով Ադամը մնում է սոսկ նրանց երեսակայության ոլորտում, քանի որ նա թեւէ կա, այնուամենայնիվ, իրենցը չէ: Եվ պարուհիների մեջ բռնկվում է պոեզիան. կարոտի անորոշ ու թախծոտ գրգռները, սիրո անթերի ու կատարյալ պատկերացման առկայությունն ամեն մեկի մեջ մի նոր սեր են առաջացնում, նրանց կտրում իրական պահից, վերացարկում, թեւէր տալիս: Նրանցից մեկը՝ Սոֆին, որը բեմահարթակում «Բոլերո» պարելիս զգում էր սոսկ պարընկերոջ «պատրաստի», «աշխատանքային» ժպիտը, այն դեպքում, երբ կուգեր նրա հետ տղամարդու եւ կնոջ «միասնության հիմն» պարել, նույն Սոֆին, որը ներկայացման ժամանակ պարընկերոջ աչքերին նայելիս կարող էր մտքում ասել. «Ինչո՞ւ ես այդքան քաղաքավարի, ինչո՞ւ ես այդքան մեղաք», հիմա՝ Ադամի եւ երագների մոլոր ներկայությամբ կտրվում է հարաբերությունների, ցանկությունների առարկայական, իրական գոյությունից եւ հանձնվում է տարերքին: Ոգեշնչման պահին Սոֆին պոկվում է տեղից, շարժումներ անում եւ սկսում է պարել: Կանանցից մեկն սկսում է երգել, մյուսներն աստիճանաբար ձայնակցում են նրան. սիրո ներշնչանքը կենդանություն է տալիս բոլորին, ինչ-որ չափով գիտվացնում, կտրում, բարձրացնում հողից եւ նրանց զգում բանաստեղծական վիճակի մեջ: Իսկ երեկոն դառնում է գտնված անակնկալ, երկար սպասված համդիպում երագային պատկերացումների հետ: Նուրբ վիճակների վրա են կառուցված

նաեւ «Չիլի» ու «Ձիերին հատկացված ճանապարհը» պատմվածքները: Չիլիյն շան անուն է, ծեծված մի շան, որը դեռ հաշիվներ է պարզում աշխարհի հետ հավատարմության եւ անհավատարմության մասին: «Ձիերին հատկացված ճանապարհը» պատմվածքը, ուր ցավ կա անընդհատ նույն ճանապարհով կառքը քաշող ձիերի համար, կարելի է ընկալել եւ ուղղակի իմաստով, եւ փոխաբերական: Ուղղակի՝ ծեծված շան ու խեղճացած, ջրակուլ աչքերով ձիու, փոխաբերական՝ տանգոված, իր հարաբերություններն աշխարհի հետ չճշտած եւ անընդհատ նույն աշխատանքային ճանապարհով շարժվող, իր աչքերի տակի գետնից բացի՝ ուրիշ ոչինչ չտեսած մարդու մասին: Երկու մոտեցումն էլ կարելի է կիրարկել, այս դեպքում տարբերությունն առանձնապես այնքան էլ մեծ չէ, որովհետեւ Այվազյանը ներկայացնում է վիճակը եւ համապատասխան վիճակների մեջ կարողանում կենտրոնացնել ընդհանրապես տվյալ երեւոյթին բնորոշ հոգեբանական եւ իմաստային կողմերը:

Ահա այս տեսակի հերոսներ ու կյանքի վիճակներ է պատկերում Այվազյանը: Անչափ սովորական, նաեւ անսովոր հերոսներ, որոնց անսովորությունը պայմանավորված է անշոշափելի շոշափելի դարձնելու զգացողությամբ: Ու թեւէ Այվազյանի հերոսները ներկայացվում են կյանքը կազմող փոքր ու շարքային դեպքերի շրջանակներում, բայցեւայնպես կարողանում են իրենց մեջ խտացնել մարդկային կյանքին հատկանշական որոշ առանձնահատուկ ու կարեւոր հոգեբանական բնավորության գծեր:

Շարունակելի

Դավիթ ԳԱՄՊՐԱՆՆ
Բանասիրական գիտ. դոկտոր, պրոֆեսոր

ՄԱՐԿ ԿՈՐԼԵՐ

← էջ 5, 7

«Աստծո հետ մի եզակի հարաբերությամբ Օծյալն այնքան մոտ է Աստծուն, որ Նա Աստծուն ունի իր մեջ. Աստված, Ով ամեն ինչ կիսում է Նրա հետ, անգամ իր գահը»: Արդ, երկրորդ անգամ է տեղի ունենում այդ արտառնոց բանը. առանց դա իմանալու՝ հարյուրապետն արտահայտում է այն ամենը, ինչը քրիստոնեական եկեղեցին կարող է դնել «Աստծո Որդի» անվան մեջ: Նա դա ասում է ոչ այնքան բառերով: Ավելի շուտ՝ նրա անձն է խոսում: Ձիմվորը՝ հեթանոսը, արտահայտվում է: Դա մի ողջ ուղերձ է:

Մարդը գիմվոր է, իսկական հռոմեական գիմվոր, գուցե լեգիոներ... Լատերանի թանգարանում կա 340 թվականի մի քրիստոնեական քարադամբան եւ ներկայացնում է մի գիմվորի, որը Յիսուսի գլխին պսակ է դնում: Բայց այն փշե պսակ չէ, այլ հյուսված է դափնու տերեւներից: Ձիմվորը կրում է լեգիոների համազգեստ: Ակնարկը պարզ է. կայսրն այդպիսին հայտարարվում էր լեգիոների կողմից: Լեգիոների կողմից է Քրիստոս ճանչվում ու հայտարարվում տիեզերքի կայսր: Եթե հարյուրապետը Պիղատոսի սպայակոյտից էր, ուրեմն մենք իրավունք ունենք նրա վկայությունն ընդունելու այդ կերպ: Իր ամենաստորին նվաստացման պահին Յիսուս հայտարարվում է Բարձրյալն Աստված: Ստրուկը տեր է, ծառան՝ թագավոր: Պարտությունը կլանված է հաղթանակի մեջ, ու քավությունը, որ անմեղը ձեռք է բերում հաշի վրա, վերաբերում է ողջ աշխարհին:

Հարյուրապետը դրսից է եկել՝ Յոննից կամ կայսրության որեւէ այլ վայրից: Նա չգիտե՞ ով է Իսրայելի Աստվածը: Նա անտեղյակ է ընտրյալ ժողովրդի հույսերից: Ու որքան որ ինքն է ի վիճակի հասկանալու ու արտահայտելու՝ վկայում է Քրիստոսին: «Այդ մարդու մեջ Մարկոսը տեսնում է առաջին հեթանոս քրիստոնյային, անթիվ բազմության նախորդին, որ կանգնած է Աստծո թագավորության դռան



շեմին», — ասում է Գյուլտեր Դեհոն իր մեկնաբանության մեջ: Այո, հարյուրապետն ինքը չէր կարող կռահել իր վկայության մշանակությունը: Բայց Մարկոսը դա տեսնում է, ու նրա հետ՝ Մատթեոսը, որի համար այդ խոստովանությունը միայն մեկ անձի խոստովանություն չէ. մահապատիժ կիրառող վաշտի բոլոր գիմվորներն ընդունում են իրենց հրամանատարի դիրքորոշումը... Մատթեոսը խոսում է հանրութային պատվի մասին, որը նախակարապետն է ազգերի կողմից հատուցվելիք պատվի: Յին եկեղեցին դա հասկացել էր, ինչպես եւ ավետարանիչները: Centurio fidem gentium significat (հարյուրապետը խորհրդանշում էր ազգերի հավատքը): Հարյուրապետը ներկայացնում ու ազդարարում է հեթանոսների դարձի գալը: Մեր օրերի եկեղեցին պիտի հիշի դրա մասին:

Պատահականություն չէ, որ հարյուրապետը խոսում է այն ժամանակ, երբ Յիսուսը հոգին ավանդել է արդեն: Քանզի ազգերի Ավետարանն ազդարարելուց առաջ պետք էր, որ Քրիստոսի գործը երուսաղեմում կատարվեր: Եթե Յիսուսը միանգամայն զուսպ էր հեթանոսների հարցում, ապա նրա համար, որ նա գիտեր այդ «նախ եւ առաջ»-ի հրամայականը. նախ եւ առաջ՝ պետք է, որ մարդու որդին մահվան դատապարտվի: Կափառմայումի հարյուրապետը դողում է ոչ պատահականորեն: Այդ պահին հեթանոսների ժամանակը դեռ չէր եկել: Քանանացի կինն իրավացի է, որ պնդում է: Քանզի այդ պահին հեթանոսները կարող են ստանալ լոկ փշրանքներ: Յիսուսը սահմանափակվում է Իսրայելով, որովհետեւ նա այնտեղ պետք է անի հիմնականը: Մահանալով՝ նա լայնացնում է շրջանակը: Յիմա,

երբ զոհաբերությունն ընծայված է, խաղաղությունը՝ վերահաստատված, ներումը՝ ձեռք բերված, երկինքը՝ բացված, կարելի է ու պետք է դա ասել բոլորին: Խաչը հիմնում է առաքելությունը, կամ ըստ Բ. Սունդկելերի գեղեցիկ արտահայտությամբ՝ «Խաչի ճանապարհը առաքելության ճանապարհն է»:

Այդ առաքելությունը, ինչպես ասում է Յերբերտ Ռուբը, մաս է կազմում ոչ թե եկեղեցու «բարօրության», այլ՝ եկեղեցու կեցության: Ուզենք դա թե ոչ՝ մեզ է վստահված հեթանոս աշխարհին այստեղ ու ամենուր Աստծո սերն ազդարարելու առաքելությունը:

Խաչի տակ կանգնած հարյուրապետը դա հիշեցնում է մեզ:

Ֆրանսերենից թարգմանությունը՝
Գառնիկ ՄԵԼՈՆՅԱՆԻ

ՔՐԻՍՏՈՆՅԱ ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Աստղիկ Ստամբուլյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ qristhay@etchmiadzin.am

astghikstam@gmail.com

web կայք՝

krishayas.wordpress.com

Ստոր. տպագր. 16.12.2021 թ.

Տպաքանակը՝ 1225